


KRISTU UWA ISHIBIKWA

MU NKULO SHONSE

 Yanono Amalembo apa ayo Ndefwaya ukuloshako cino cungulo bushiko. Nacilatontonkanya pa mutwe we sambilisho umulandu tubelele pano. Ndefwaya ukubelenga iciputulwa ca Malembo, ayo Ncetekele yonse, ukulongana ukuli konse, kufwile kwakwata ukubelenga i Cebo cakwa Lesa muli cena. Pantu, Nalishiba Ena kuti atukumanya ukupitila mu kubelenga i Cebo, nomba Ndi no mwenso ukuti limbi Nalapanga icilubo. Eico nga Nabelenga i Cebo Cakwe, Ninjishiba tamwaba icilubo muli Cena. Eico Ine—Ine mbelenga i Cebo Cakwe, elyo Naishiba ukuti palaisapo cimo ukufuma mu kulongana, pamulandu wakubelenga i Cebo Cakwe.

² Elyo kabili, ukushintilila ama tontonkanyo yesu pa Malembo ayo twalabelenga, incende imo isangwa muli Yohane Uwashila, chapitala 10, ukutendekela na versi 32 napa 39, ukulundako nayo ine; elyo na mwisambilisho ilyakale ilikaya, Abahebere 13:8. Nomba muli Yohane Uwashila, chapitala 10, ukutendekela pa versi 32, tulebelenga ifi.

Kabili Yesu alibaswike ati, Imilimo iingi isuma Ine nalimilanga iyafuma kuli Taata; bushe ni pa mulandu nshi muli iyo mulempolelapo amabwe?

Aba Yuda balimwaswike, abati, Tatulekupolela amabwe pa mulimo uusuma; lelo nipa miponto; pantu kabili. . . iwe, ukuba umuntu fye, uleitunga ukuba Lesa.

Yesu alibaswike ati, Bushe tacalembwa mu malango yenu, Ine natiile, Imwe muli milungu?

Nga abebele ukuba imilungu, abo i Cebo cakwa Lesa caishileko, kabili amalembo tekuti yatobwe;

Bushe imwe mulesosa, untu Taata ashishishe, no kutuma pano isonde, Muleti uleponta; ico Ine ntile, Ndi Mwana wakwa Lesa?

Nga Nshilecita imilimo yakwa Taata, mwincetekela.

Lelo nga Ndacita, nangu tamuncetekele ine, cetekeleleni imilimo: ukuti mwishibe, no kucetekela, ukuti Taata ali muli ine, na Ine muli ena.

Balafwaya kabili ukumwikata: lelo afulumwike mu minwe yabo,

³ Kabili mu Bahebere, chapitala 13 na versi 8.

Yesu Kristu cimo cine mailo...ileelo, kabili no muyayaya.

4 Natupepe. Taata wa mu Myuulu, shilisheni inkombe yenu cino cungulo bushiku, Shikulu, ku Mbila, kabili na bakomfwa wa Cebo, pantu twalombela ico mwi Shina lyakwa Yesu. Amen.

5 Nomba twalakumanya isambilisho, akalisambilisho fye akanono pa bushiku bwa kubalilapo, mu kusambilishanya, Ndefwaya ukubuula isambilisho, ukuti...*Kristu Uwa Ishibikwa Mu Nkulo Shonse.*

6 Nomba Ibuuku lya Bahebere apa liletweba ati Ena aba cimo cine mailo, ileelo, kabili no muyayaya.

7 Kabili tulebelenga mu Baibele apa ukuti balya aba Yuda bale Mutwishika. Tulesanga aba Hera bale Mutwishika. Kabili bakonkenyepo uku mutwishika. Ni pa mulandu wakuti abantu abengi balikwete ubulondoloshi ubwapusana pusana palwa kwa Ena.

8 Takwaba nangu umu uwa umfwapo palwa kwa Ena kano abafwaisha uku mumona Ena. Ndi uwa shininkisha ukuti nga nati Njipushe cino cungulo bushiku, “Nibanga muli baimwe bonse abangatemwa ukumona Yesu?” bonse kuti mwaimya amaboko yenu. Takwabako—takwabako umuntu nangu umu uwa umfwapo palwa kwa Ena kano ifyo balefwaya uku mumona Ena.

9 Palibako icintu cimo na pe Shina Lyakwe fye, ica kuti...cila tukonkomeshafye. Palibako cimo icisansamusha imitima yesu, pa kumfwa fye Ishina lilya, Yesu. Pantu, ukupitila muli lilya line i Shina emo tusanga ukwelelwa kwa membu, emo twasanga ukulubulwa, pa kuti lonse ulupwa lwa mu Muulu luka...buula lilya i Shina. Elyo kabili ifwe...Lesa abulile ili i Shina lya buntunse no kulibika pa Mwine eka ilintu Ailangishe mu mubili. We Shina ubusuma we!

10 Nomba tule—tule tontonkanya Ena ukuba umukalamba! Kabili ukupita na mu nkulo shonse, abantu bonse balefwaisha no kulila ukumona Lesa. Nomba ubwafya bwa ici, ukufuma pa nshita yakwa Yobo... .

11 Ndetontonkanya Yobo aishibwa ukuba limo ibuuku pa ma Buuku aya kaale aya mu Baibele. Efintu lyabikilwe fye. Lyalembelwe pa nshita yakwa Mose, Mose lintu alelemba ama—buuku yane ayakubalilapo.

12 Nomba twacetekela ukuti—ukuti Yobo, mulya, abilikishe inshita imo, “Nga cakuti Namumona Ena! Nga cakuti Naishiba uko Ningaya ku nganda Yakwe! Kutu natemwa uku,” mu mashiwi yambi, “kukonkonsha pa ciibi Cakwe.”

13 Bonse twalishiba ukuti tufuma kumo ifi. Tufuma kunuma ya cipembe ico ifwe...Mwaliba cimo muli ifwe icifwaisha cimo,

ico twalishiba ukuti tufuma kumo ifi. Tekuti tube kwati takwaba nangu cimo kunuma yesu ica kutupanga ifwe.

¹⁴ Inkoloko yandi tekuti ibeko fye ukwabula nangu cimo. Uuli onse umuntu mu mano yakwe aya buntunse bwakwe kuti aishiba iyo nkoloko, ama jewel, no kukonka utushinguluka, nefyo fibomba, kabili nama sipiringi, kabili—kabili natulya twenda, nga teifyo tekuti ibeko pa lwaiko. Cifilwa filwa fye yena ukubako.

¹⁵ Moneni pa bubumbo bonse, ifyo fyabikwa pamo. Twalishiba ukuti tafingacitika fye filya fine. Pali bufi umuntu ukucila inkoloko! Umuntu ewa pangile inkoloko, kabili no kuilinganya, no kusankanya pamo fyonse. Kanshi nga cifilwa filwa fye ukuti inkoloko ibeko palya iko ifyo fine, pali bufi iwe na Ine ukubako filya fine kwati kupumikisha? Kufwile kwabako kalenga kunuma yesu. Nga cakuti twalolesha ubukulu bwa bubumbo Bwakwe, ifyo bwenda, kabili nefyo Ena ekala muli bwena, ukwikala muli bwena.

¹⁶ Tulamona ibuula, ifyo ibuula likala kulya ku cimuti. Kabili na pakati ka mwenshi wa Kasakantobo, ukwabula umume atemwa icili conse, ubumi bulafumamo elyo no kuya mulya mu mishila. Ibuula lilaponena panshi pa mushili. Nomba lyashi nshi lilipo? Kulabako kumo Ukucenjela mukucitika ifintu ukubapo. Icimuti tacakwata ukucenjela pa lwaciko. Kanshi ubumi buya panshi ukufika na kumishila ya cimuti, ukuifisa ukufuma ku mwela watalalisha. Nga cakuti. . . Nga cakuti caikala fye filya fine mulya mu muulu, kuti cafwa, inshita ya mupepo kuti ya cipaya.

¹⁷ Nomba finshi ibuula licita? Lilaya mulya mu mushili no kubola. Finshi umweo ucita ilinti uuli mu mishila? Ulonka bulya bonse ubusuma ukufuma mwi buula ilyafwa, ba calciumu na fimi ifisangwamo, kabili no kwisa buuka mu nshita ya mainsa, no kwisa bwelela nakabili pa ncende yaciko nakabili, no kuletapo ibuula nalimbi. Bunte bubapo; imfwa, ukushikwa, kabili no kushikukwa.

¹⁸ Akasuba katula akacelo, nga filya akana akanono akafyalwa. Eighti atemwa naini koloko kali mu sukulu. Teni koloko kainuka kusukulu. Twelufu koloko kaisanga musukulu lya bakulileko panono. Kabili katendeka ukuwa, kaya kalewilako mpaka kawila na ku Masamba. Bushe eifyo fine? Kaisatula nakabili ubushiku bwakonkapo akacelo, ukupeela ubunte; umweo, imfwa, ukushikwa, ukushikukwa. Fyonse, ifintu, Lesa ekala mu bubumbo Bwakwe. Efyo acita kabili alacita ici mu nkulo shonse.

¹⁹ Nomba, inshila imo fye iyo mwingeshibilako Lesa nga acili no mweo. Kuti twamumona Ena mu bubumbo Bwakwe, nomba nga Lesa aleilangisha shani Umwine ku bantu aba. . .

20 Umo kuti atiila, “Ukuba, nga Lesa aba kwi? Mulalandalanda saana pali Ena.”

21 Mu Africa, mu nshita ya buminshoni kulya, kabili pakati ka ba Afrikaans, babomfya ishiwi ilya kuti *amoyah*, icipilibula, “amaka ayashimonwa,” kwati mwela. “Lesa Wenu,” atiila, “Lesa uushimonwa, Ena—Ena aba kwati mwela. Emaka, nomba ifwe—ifwe tatumumona Ena.”

22 Ukuba, Nincetekela kuti Twamumona. Pantu, tulesanga mu chapitala ca 12 ica Washila Yohane, bamo aba Hera balishile mukumona Yesu, elyo batiila, “Mukwai, tulefwaya ukumona Yesu,” kabili balitwelwe kuli Ena, ukupitila muli umo uwa mu basambi Bakwe. Kabili Abahebere 13:8 itiila, “Ena aba cimo cine mailo, ileelo, kabili no muyayaya.” Elyo nga cakuti Aali sendelwe muli ulya musango muli shilya nshiku, pakuti amonwe ukupitila muli umo pa basambi Bakwe, inga ifwe fwe bali abasambi Bakwe, cino cungulo bushiku, ukuleta abalemufwaya mu Cinsu Cakwe, nga Ali cimo cine mailo, ileelo, kabili no muyayaya? Baibele itweba ati eflyo Ena aba, “Aba cimo cine mailo, ileelo, kabili no muyayaya.”

23 Nomba, Ninjishiba ici caumfwika icaibelako. Nomba nga kuti mwatushipikishako fye pa kashita akanono, Nincetekela ukuti Ine, ukupitila mu bwafwilisho bwakwa Lesa, pamo ne Cebo Cakwe ukulingana ne Cebo Cakwe, kuti Namuleta Ena kuli imwe. Elyo nomba, cilya, we cakukoselesha we! Eco tubelele pano. Ifwe fwebena Kristu tubelele pano mukukoseleshiwa, muku—mukuletwa, ukwisa mu Cinsu cakwa Lesa untu twaishiba, icinga twimya nga filya Ena aleya ibuula, ico kuti catubweshwa ifyo tufwile ukuba.

24 Bushe cabufi, bushe mashiwi fye ayabikwa pamo, bushe milumbe yaba Yuda iyabikwa pamo, atemwa Cacine? Umo ifilubo fisekele, mufwile mwabako Icishinka kumo. Apo ponse apali dolla iya bufi, Nalalanda ukuti pafwile paba ne ya cishinka kuntu bafumishe pa kupanga iya bufi. Kabili ifya kuipashanya nafiseeka, ne fintu ifingi ifyo tulemona ileelo, kufwile kwaba Lesa uwacine kumo.

25 Nomba nga cakuti Tatulemubombela, nomba natufume mu fintu ifyo tulecita no kutendeka uku Mupyungila. Pantu, nakuba, busuma nshi buli mukuyebelela kwesu lintu tamuli nangu cimo? Na bucishinka bwesu tabwinga—tabwinga tupokololako ku kusekwa kwesu. Abasenshi baliba aba bucishinka. Abantu balanwa carbolic acid inshita shimo, na bucishinka, nokufisenda kwati balenwa ifintu fimbi. Bucishinka atemwa ubufuma cumi tabucita icili conse. Kufwile kwaba inshila iili iyalungama, nangu inshila iya lubana.

26 Nalicetekela ukuti Baibele ya cishinka. Nalicetekela ukuti i Cebo cakwa Lesa ca cishinka. Nomba Lesa eulingile ukupingula,

[Munyina Branham akoola panono—Kale.] (Mumbeleleko uluse.) Afwile apingula i—isonde ukupitila mu cintu cimo.

27 Nomba lintu Nali umwaice, pamo no lupwa lwandi, teba taata na bamayo, ku nshita ya kunuma, twali abena Irish ku mbali shonse, eico, ifwe, twali ba Katolika kabili cali ica anguka ine ukubwelela ku chalichi yaba Katolika. Ukuba, ba taata na bamayo baupanine kunse ya chalichi, elyo tabaleya naku chalichi. Nomba lintu Naishile kula, nokwishiba ukuti kwaliba Lesa, ukupitila mufyo mwe bengi mwabelenga icitabo candi, Ine—Ine nalishibe ukuti kwaliba Lesa kumo.

28 Apa nomba, itontonkanyo lilipo nili, nga Lesa akapingwila isonde ukupitila mu chalichi, ninshi li chalichi nshi ilyo line? Nga likaba li chalichi lyaba Katolika, ninshi li chalichi nshi ilya ba Katolika? Ba Roman, ba Orthodoxi, atemwa li chalichi nshi ilyo Ena akapingwila ukupitilamo? Nga cakuti Akapingwila ukupitila muli ba Protestanti, bushe kupitila muli ba Methodist, Baptisti, Pentecostal, Presbyteriani? Kupitila mwisa? Mwamona, icifulumfulu cili mpanga yonse.

29 Kanshi umuntu umo kuti atiila, “Nakuba, ciba kwati. . .” Oh, ee, efyo ciba. “Tacisakamika, kulilafye uli uwa bufuma cumi.”

30 Ilya kubalilapo Ibuuku mu Baibele, cinshi caletele imfwa, amalwele, ubulanda, kabili no lubembu, nipamulandu umuntu akene ukucetekela i Cebo cimo. Mwi Buuku lya kulekelesha ilya mu Baibele, umo wine Lesa, mu Kusokolola 22, atiile, “Onse uukafumyako i Cebo cimo, atemwa ukulundako icebo cimo kuli Cena, iciputulwa cakwe cikafumishiwako mwi Buuku lya Mweo.” Kanshi ico cifwile ukuba Ibuuku lya bupingushi.

31 Nomba tusanga ifi, ukuti, “Mu kutendeka,” Yohane Uwashila 1, “mu kutendeka kwali i Cebo, kabili i Cebo cali pamo na Lesa, kabili i Cebo cali e Lesa wine. Elyo i Cebo caile lengwa ukuba umubili nokwikala pamo naifwe. Twali Mumwene, ngo mwana uwatemwikwa uwakwa Wishi, icakuti i Cebo Icine, Lesa, aishile lengwa ukuba umubili nokwikala pamo naifwe.”

32 Abahebere 13:8 itiila, “Aba cimo cine mailo, ileelo, kabili no muyayaya.” Kanshi nomba nga cakuti Aba cimo cine, elyo Cebo, ninshi i Cebo Caisoseleko shani mu nkulo shonse? Cifwile ukuicitila Icine mu nshila imo ine ne leelo line, pa kuti cibe Yesu Kristu umo wine mailo, ileelo, kabili no muyayaya. Ici teti cicile pa Cishinka. Ena aba ni Cebo, elyo kwisa. . . munshilanshi i Cebo casokolwelwe munkulo shonse, Lesa tayalula Umwine, Malaki 1, nangu, Malaki 3:6 itiila Ena tateluka: “Ine naba Lesa, Nshiteluka nakalya.”

33 Kanshi filya fine Aali mu kutendeka, efyo Ali ne leelo. Elyo Aali i Cebo, ku mukowa wa buntunse, mukutendeka. Lesa tapelapo i chalici lya kutungilila ku mukowa wa buntunse

uuli onse, tapelepo isambilisho ilili lyonse ilya kutungilila. Alipangeshe umuntunse ne Cebo Cakwe, “Cetekela ici Cebo no kuba no mweo!” Cintu cimo cine ne leelo. Elyo Kristu ecilya cine i Cebo, “Mukutendeka mwali i Cebo, kabili i Cebo caali pamo na Lesa, ne Cebo caali e Lesa wine. Kabili i Cebo caishilealuka umubili nokwikala pamo naifwe.” Nomba, filya Aali mu nkulo shimbi, eflyo Afwile ukuba ne leelo line, nga cakuti Aba umo wine mailo, ileelo, kabili no muyayaya. Ico, Ndetontonkanya Nalilondolola umupwilapo ukuti ni Yesu Kristu umo wine mailo, ileelo, kabili no muyayaya, kabili Aba i Cebo.

³⁴ Nomba, Yesu atiile, “Amalembo tekuti yatobwe.” Amalembo yaali aya cishinka. Elyo na Malembo yasosa ukuti, muli Yohane Uwashila 1, ukuti, “I Cebo caishilelengwa umubili, nokwikala pamo naifwe.” Lesa aalwike umubili, mu Mwana Wakwe, Yesu Kristu, nokwisa ikala pamo naifwe. Muli Yohane Uwashila 10:35, Yesu aitile balya abo Ena aishileko, icali Cebo mukutendeka, “ba kasesema.” Yesu atiile ifi apa, “Amalango yenu yena yala misambilisha ukuti, balya abo i Cebo cakwa Lesa caishileko, nakuba i Cebo cakwa Lesa caishile kuli ba kasesema.”

³⁵ Nomba Abahebere, chapitala 1, cisosa ukuti muku... casosele ukuti, “Lesa, munshita yakale,” iyo ninshita iyakale, “mu nshila isha lekana lekana alandile kuli ba shifwe, ukupitila muli ba kasesema; muli shino nshiku sha kulekelesha ukupitila mu Mwana Wakwe, Yesu Kristu.” Mwamona?

³⁶ Nomba, moneni apa, Lesa! Yesu asosele ati, “Balya abo i Cebo caishileko, baitilwe ‘tu lesa utunono’” e baali ba kasesema. Nomba, te muntu umwine uwali Lesa, tacilile pa mubili wakwa Yesu Kristu uwaitilwe Lesa. Aali umuntu, elyo na Lesa aishile ifisa muli Ena.

³⁷ Lesa lyonse alesa mukuifisa Umwine ku cintu bwingi, no kuisokolola Umwine ku bantu balya aba kamucetekela. Lesa! Pa bushiku bwa pa Mulungu uyu mulungu wafumako, pe hema, Nashimikiile ukuti *Lesa Uwa Ilangisha*. Lesa lyonse alaiifisa Umwine mucintu cimo, pakutila abantu abakunse tabeshibepo nangu cimo pali Ena. Nomba Alaisokolola Umwine ku bana Bakwe kabili nabo abalekabala ukwisa kunuma ya cifimbo.

³⁸ Mu Cipangano ca Kale kwaliko umukupu uw kale uwalefisa Lesa. Ena asangilwe mu Bukata bwa Shekinah. Neci caleba nimumikupo yakale. Lintu tabalati bese kunuma yamikupo yakale, bale. . .

³⁹ I Cebo cali muli Mose, kasesema. Aninine ukuya palupili. Akumenye i Ntumba ya Mulilo, kabili Casoselwe kuli ena. Atendeke ukuya elyo no kucita ifishibilo fya bu kasesema, afumishe abana ba Israeli mu Egypto, ukufika ku lupili ulu. Elintu Lesa aikile panshi no kushininkisha Mose, ukupitila muku muleta kuli ilya Ntumba ya Mulilo, no ku mufisa Ena.

Takwali nangu umo uwalekwanisha ukuyako. Takwali nangu umo umuntu uwali no kupashanya cilya, balefilwa ukucita ico, pantu balefwa. Casendele umuntu umo, aile kulya kunuma filya, mu Ntumba ya Mulilo, ukufika mu Bukata bwakwa Lesa, kabili mu Bukata bwa Shekinah; nomba lintu aishile fuma ne Cebo ca ilya nkulo, alebengeshima no Bukata bwakwa Lesa icakuti alefimba fye pa menso. Abantu balefilwa uku mulolesha pa menso. Ico ecaali icifimbo caku cifyalilwa.

⁴⁰ Ni cinshi ico? Lintu umuntu apula muli cilya cifimbo, ukushinta mu Bukata bwa Shekinah, isonde limwita ukuti alifulungana. Tekuti bamone icilubenepo. Nomba kunuma kulya, takwaba ukuyemba pali ena. Kuti limbi afilwa ukulumbula amashiwi bwino. Ena—ena kuti limbi afilwa ukufwala bwino bwino. Limbi kuti afilwa ukufwala nga ba kashimikila. Nga mwanakashi kuti limbi afilwa ukufwala ifyo bale mwenekela ukufwala. Kuti caba limbi, nomba, mwamona, mulya mukati, kunuma ya mukupo wakale, kunuma yamubili wabuntunse, emuli Ubukata bwa Shekinah, mukati mulya emuli amaka, mukati mulya emuli i Cebo, muli cilya cine e muli umukate. Elyo no Bukata bwa Shekinah, icaba Lubuuto, ecilenga u Lubuuto lulya ulukusha uluseke.

⁴¹ Imwe mwe bantu ba ku Kansas mwalishiba ico, ukupitila mu filimwa fyenu ifya ngano. Ukwabula kalya kasuba, tekuti ku balike.

⁴² Kabili mpaka waisa muli ulya mukupo wa kale, mpaka wafuma mu mukupo obe uwa kale, amatontonkanyo yobe ayakale, amasambilisho yobe ayakale, elyo waisa mu Cinso cakwa Lesa; elintu Icebo cingaba ica mweo icituntulu kuli iwe, elyo washibulwa no Bukata bwa Shekinah, palya ninshi Baibele yaaluka Ibuuku lipya, eico Yesu Kristu aaba cimo cine mailo, ileelo, kabili no muyayaya. Uleikalila mu Cinso Cakwe, ulelya umukate uwapekanishiwa aba cetekela ilya nshita, ba shimapepo epela. “Elyo tuli ba shimapepo, bu shimapepo bwa bupyani, uluko ulwashila, abantu abaibeela, abalepela amalambo ya ku mupashi kuli Lesa.” Nomba ufwile ukwingilamo, kunuma ya cifimbo, pa kumona Lesa uwaisokolola. Kabili Lesa aliisokolola, ico e Cebo Cakwe icalangishiwa.

⁴³ Nomba ileelo natukwata abantu abengi abasosa ukuti, “Kwena, ifwe, nga ba *kampanda-na-kampanda*, Twacicetekela muli *iyi* nshila.” Ibumba limbi nalyo lyatiila, “Ifwe, nga ba *kampanda-na-kampanda*, Twacicetekela muli *iyi* nshila.” Mwamona, kuti mwasanga ubulondoloshi ibwingi!

⁴⁴ Lesa takabila kelula. Alalondolola Umwine i Cebo Cakwe. Baibele ilanda ati, “Tacikabila ubulondoloshi ubwaibela.” Lesa alaisokolola, Umwine. Alacita ico! Mukutendeka, Ena atiile, “Lekeni kube ulubuuto,” kabili kwaishileba ulubuuto. Ico

tacikabila ubulondoloshi. Lesa atiile, “Nacisungu akemita,” elyo aishile imita. Ico tacikabila ubulondoloshi. Lesa atiile, “Mu nshiku sha kulekelesha,” Ena “akapongolola” Uwakwe “Mupashi pa cibumbwa conse,” kabili Alicitile ico. Ico tacakabiile ubulondoloshi.

⁴⁵ Cicilifye i Cebo! i Cebo ni Lesa. Lesa, mu nkulo shonse, alakonkomesha saana i Cebo Cakwe. Elyo mulya, moneni ifyo Acitile, Atumine ka—kasesema. “Elyo i Cebo cakwa Shikulu cisa kuli ba kasesema.” Ba kasesema ba Cilondolola ku cina bwingi, necina bwingi cila Cicetekela. Kabili, nomba, uko ekubomba kwakwa Lesa, Lesa ukwenda ukupitila mu Mupashi Wakwe.

⁴⁶ Nomba apa tulesanga Aleilangisha Umwine nga Umwana wa muntu, pakutila, afikilishe. Nomba, ilintu Aishile pe sonde, ibukisheni, Ena Ailangishe ku cina bwingi, kunse, Ailangishe Umwine ngo Mwana wa muntu. Aishile mu mashina ya bwana patatu; Aishile ngao Mwana wa muntu, u Mwana wakwa Lesa, u Mwana wakwa Davidi. Nomba, u *Mwana wa muntu* ni “kasesema.” Na Yehova Umwine aitile Ezekiel, ati, “u Mwana wa muntu.” Yehova, ukulanda ku muntu, kasesema, ukumwita, “u Mwana wa muntu.” Elyo na Yesu Ailangishe ukuba u Mwana wa muntu, pantu Amalembo tekuti yatobwe.

Mu Malango 18:15, Mose atiile, panuma . . .

⁴⁷ Abana ba Israeli batiile, “Mwikasuminisha Lesa ukulanda kuli ifwe nakabili. Tulefwaya fye Mose eo alelanda naifwe.”

⁴⁸ Aitiile, “Nshakabale nkasose kuli bena muli uyu musango nakabili, nomba Nkabatamina Kasesema.”

⁴⁹ Mu Malango 18:15, atiile, “Shikulu Lesa wenu akemya Kasesema uwaba nga Ine.” Eico kanshi lilya Ilembo tekuti litobwe, Alingile ukwisa nga u Mwana wa muntu. Nomba ico caali ni mu nkulo Yakwe, lintu Ena aali pano pa caalo.

⁵⁰ Nomba panuma Ena afwile, alishukwike, nokuya kumuulu, nokutuma u Mupashi wa Mushilo, icaali Mwana wakwa Lesa. Lesa Mupashi, kabili ukupitila mu Nkulo sha ma Chalichi shonse caleba Mwana wakwa Lesa.

⁵¹ Elyo nomba mu nshita ya Myaka ikana limo, cikaba Mwana wakwa Davidi, naikala pa cipuna ca bupingushi, aleteeka. Alinina mu muulu. “Uyo onse uukacimfya akekala na Ine, pa cipuna Candi ica bupingushi, ngefyo na Ine nacimfishe, no kwikala pa cipuna Cakwa Taata.” Ekele pa cipuna cakwa Wishi nomba. Nomba mu nshita ya Myaka ikana limo, Akekala pa cipuna Cakwe Umwine, pantu Ena Mwana wakwa Davidi.

⁵² Ena Mwana wa muntu, u Mwana wakwa Lesa, u Mwana wakwa Davidi. Mwamona, cintu calungatanafye bwino bwino.

⁵³ Nomba tusanga ukuti, Alingile ukwisa nga kasesema. Ukukana alulwa kwa Cebo Cakwe! Lesa tateluka. Lesa tateluka,

pantu Aali ni Kasesema uwali muli Yosefe. Aali ni Kasesema, Aali ni Lesa muli Yosefe. Aali ni Lesa muli Davidi.

⁵⁴ Lolekesheni Yosefe, alangishe umweo wakwa Kristu filya fine fye, nomba alipangile icilubo, ukulangisha ukuti taali Ena. Umuntu alapanga ifilubo. Mwamona, aebele Pharaoh, ati. . . Ena aebele wishi, uwali ni kasesema, Yakobo, ati, “Eba Pharaoh ukuti—ukuti tuli bacemi, pantu kachema camuselu ku bena Egypto.” Nomba taata, u Mupashi tekuti umuleke ukucita ici; atiile, “Abasha bobbe, bakacema.” Kanshi kuti mwamona apa Yosefe alepanga icilubo.

⁵⁵ Davidi umwaume mukalamba, alipangile icilubo. Umwaume uwali pa muntima wakwa Lesa Umwine, libe abulile Bathsheba, ukutontankanya ati kuti afisama kuli Lesa ulya wine apyungila, inshiku sha mweo wakwe shonse, nomba Lesa alishile musokolola ukupitila muli kasesema Nathani. Mwamona?

⁵⁶ Nangu cali ifyo lolesheni Davidi lintu aleya, ukubutuka abantu bakwe bena, imfumu iyo bakana. Umwana mwanakashi wakwe alicendelwe na ndume yakwe, kabili naba munyina bambi bali mwipeye. Moneni palya aali, Absalom nao alimine no kupatuula abashilika, ukuletapo bu cisanguka; na Davidi, wishi, bali mutamfishe, no kutwalwa kumbi, ukukanwa na bantu bakwe benafye. Ukuya alefuma mu musumba umuntu uwa tondobala aleikulafye, balemuseka, noku mushipa amate. Ulya mushilika abulile ulupanga, ati, “Bushe nalaleka umutwe wa iyi mbwa ukukana putulwa, pa kusakila imfumu yandi amate?”

Davidi atiile, “Muleke abe. Lesa eumwebele ukucita cilya.”

⁵⁷ Ukwabula ukutwishika, Davidi taishibe ico alecita; ukwenda ukupita pa Lupili lwa mu Olife kulya, nokulolesha panshi, alelila, imfumu iyo bakaana. Ukuntu, panuma yamyaka imyanda iinono yapitilepo, Yesu Kristu aikele palupili lumo lwine, u Mwana wakwa Davidi, aleloosha nga imfumu iyo bakaana, kabili Ena baalimushipiile amate nao wine.

⁵⁸ Mwamona, fyonse ifi fintu fyalelangishafye Kristu. Aali iciputulwa cimo na cena. Lesa tateluka. Imibele yakwe taiteluka. Umusango abelamo tateluka. Ena acili i Cebo, mwamona, na Malaki 3:6 alishininkisha cilya. Apilibula fye imibombebe Yakwe cila nkulo. Cila nkulo, Alikwata i Cebo ico apela icasesemwe ukuti cikesa citika mu nshiku shimo ifi. Ukuba, lintu ilya nkulo yafika, Lesa esa mukubombela fye munshila imbi. Mwamona, ni Lesa inshita yonse, i Cebo, “i Cebo ukwisa aluka ukuba umubili elyo no kwikala pa kati kesu.”

⁵⁹ Nomba mu Bahebere 4, tusanga ukuti, Abahebere 4:12. Yesu alilangishiwe bwino bwino ukupitila mu milimo Yakwe kabili ne fintu Acitile, pantu Abahebere 4:12 itiila ukuti, “I Cebo cakwa Lesa calitwa kwati lupanga ulwatwa kubili-kubili. Kabili ni kalingulula wa matontonkanyo elyo na matontonkanyo yamu mutima.”

60 Efintu Abraham, lintu uyu Muntu amukumenye, no lukungu ku fyakufwala Fyakwe, elyo tulesanga, lintu Abraham amwene uyu Muntu, amwitile Ena pa mbali.

61 Babili batentemukile ku Sodomu; icikope icisuma ica nshita intu tuleikalilamo, kabili tulesanga ba Billy Graham ba nomba na bambi mu Sodomu, balebafumya.

62 Lolesheni pa chalichi casalwa, nangu, lwali lubuto lwine lwine ulwa kwa Abrahamu. Lot aali mwipwa, nomba Abrahamu. . . Uyu Muntu tatentemukileko, Ulya uwalandile na Abrahamu. Kabili ne lintu Alelanda na Abrahamu, Ena atiile, “Abrahamu.” Nomba ibukisheni ishina lyakwe lyali *Abram*, inshiku ishinono ilyo tacilacitika ico, umukashi wakwe aali *Sarai*, taali Sarah.

Elyo Ena atiile, “Abrahamu, ni kwisa ukuli umukashi obe, Sarah?”

Nao atiile, “Ali mwi hema, kunuma Yenu.”

63 Atiile, “Ndi noku mupempula ukulingana ne nshita ya bwikashi.”

Kabili na Sarah, mu mutima wakwe, aishile cita kwati aseka.

64 “Elyo no Muntu, ne numa Yakwe nafutatila ihema,” Baibele isosa ukuti, “ukuti, ‘Mulandu nshi Sarah asekelo?’ mwi hema kunuma Yakwe.”

65 Na Abraham aitile ulya Muntu “Elohim.” *Elohim* cipilibula “uwabapo umwine pa Lwakwe.”

66 Nomba ishiwi lya mu Cingeleshi *umulungu* lipilibula icili conse. Ama shiwi ya mu Cingeleshi, mufwile mwayamona bwino bwino, pantu yalikwata imisango yonse iya bupondamishi. Aka mulungu, ili tebulo kuti lyaba aka mulungu, icimuti kuti caba aka mulungu, icili conse ukuba aka mulungu, ebupilibulo bwe shiwi aka mulungu mu Cingeleshi.

67 Nomba, *Elohim* cipilibula “uwabapo umwine.” Kuti kwaba fye. . . Ili itebulo tekuti libeko palwa liko. Umuntu tabako palwakwe. Icimuti tacabako palwaciko. Nomba Elohim efintu aba! Uwabako umwine pa Lwakwe, ukuilangisha mu mubili, naiminina palya, alelya, alenwa umukaka ukufuma ku ng’ombe, alelya inama, akana ka ngombe akateku, alelya umukate, kabili no kulanda na Abrahamu. Na Abraham atiile aali ni “Elohim.”

68 Na Yesu, muli Luka Uwashila 17, asosele ati, “Nga filya caali mu nshita ya Sodomu, eflyo cikaba na mu nshita ya kubwela, lintu u Mwana wa muntu akesa langishiwa.” Te Mwana wakwa Lesa, nomba; “Mwana wa muntu lintu alagishiwa!” “Lintu Ena alesokololwa, no kulenga ukwishibwa ku Chalichi Cakwe, u Mwana wa muntu akasokololwa lintu fye u Mwana wa bulayo talaletwapo.”

69 Abrahamu alimwene Lesa mu misango iya pusana pusana, mu Lubuuto, kabili namufimonwa; nomba apa epali Lesa mu Muntu, lintufye umwana wa bulayo talati amonekele.

70 Yesu atiile, “Lintu u Mwana wa bulayo talati abwele nakabili, Elohim akalenga Umwine (Cebo Cakwe) ukuilangisha mu mubili, Lesa!”

“Mukwai, tulefwaya ukumona Yesu!”

71 Lesa ailangishe mu musango umu wine mu nkulo shonse, efyo ciba lyonse, Aifisa Umwine kunuma yamubili wa buntunse. Ni Lesa muli iwe. “Akashita akanono ne sonde talya ka Mbone, libe imwe mu ka Mbona. Nkaba na imwe.” Nakuba acili mu kati kesu; Efyo akaba, mu kupwilishisha, mpaka Ena asokololwa mu musango wa kufuminamo ku Muulu.

72 Cebo cakwa Lesa kuli ino nkulo, finshi Alaile ino nkulo? Nga cakuti mwamona mu Baibele no kusanga finshi ifyo fyalailwe kuli ino nkulo, elyo mwinga ciluka ukuti Cilya cilecitika, Ine nshilesakamana uucilandile ukuti Cena cabufi atemwa cishinka, Cena cacine pantu Cili ni Lesa ukwilula i Cebo Cakwe Umwine.

73 Ena takabila uuli onse ukusosa ati, “Ukuba, isho nshiku shalipita kale. Takwaba ifya ifyo ati ubundapishi bwamaka yakwa Lesa. Ifyo fyonse kufulungana fye.” Cena—cena cilubo! Lintu Lesa alanda ukuti Akacita cakuti mu nkulo ya kuti, Ena akacita ico. Nomba icilipofye nici, tulesa mukushintilila mu cintu ica kale ico twabelesha, ama sambililo aya kunuma uko, elyo twafilwa ukucimona Cilya.

74 Emulandu wine bafililwe ukwiluka Yesu lintu Aishile. Baleesha ukwikalila mu Malango, lintu Baibele yalilondolwele pa lwalala ukuti... Apa pene fye, Nalabelenga Ici, Ena atiile, “Fwayeni Amalembo, pantu Emo imwe mutontonkanya ukusanga u Mweo wa Muyayaya, pantu Ayo yena Eya pela ubunte pali Ine. Nga cakuti Amalembo Tayambela ubunte, ninshi cintu calubana.” Mu cituntulu kuti limbi balimwene nacingu ukwimita! Mu cituntulu Ena aali ubwasuko ubwapwililika ukulola ku Malembo! Ifwe fwe bena Kristu twalicetekela ico nomba.

75 Nga busuma nshi cali no kubacitila nga cakuti Mose aishile mu nshita yakwa Noah, ne mbila yakwa Noah? Nga busuma nshi cacitiile Yohane Kabatisha ukwisa ne mbila yakwa Mose? Mwamona?

76 Tatwaba ne mbila yakwa Sankey. Tatwaba ne mbila yakwa Moody. Twaba ne Mbila ya nshita ino! Tatwaba ne mbila yakwa Luther atemwa imbila yakwa Wesley. Bonse abo balifye bwino, nomba ino ninshita imbi. Ubu bulayo bumbi. Iyi ni nkulo ya chalichi cimbi. “Yesu Kristu aba cimo cine mailo, ileelo, kabili no muyayaya!” Ifyo cili icakupapusha, umusango abantu benga belamo impofu, mu nkulo, nomba cifwile ukuba ifyo fine. “Aba cifulefule,” muli ino nkulo Baibele yatiila, “kabili

bakaba fwise mu kanwa Kakwe,” muli ino Nkulo ne Chalichi ca Laodicea. “Nomba bonse abo Ena atemwa, Ala balungamika no ku bakalipila.” Ena asosele ati cikaba ifi fine muli ino Nkulo ne Chalichi lwa Laodicea.

⁷⁷ Ibukisheni, Lesa apilibulafye imibombebe Yakwe. *En morphe*, ishiwi lya ci Greeki lipilibula Ena esa mukubuula imimonekele iya pusana pusana. Nga filya mu *Carmen* atemwa ifyapalako, atemwa—atemwa amangalo yakwa Shakespear, Ena—Ena abomba nga ulya wangala amangalo, Apilibulafye imibombebe Yakwe. Ifyo fyonse fintu ba kasesema baali, caleba ni Lesa muli balya ba kasesema. Yesu asosele ifi, “Mubeta ati ‘imilungu,’ balya abo i Cebo cakwa Lesa caishileko: kabili moneni Ndi pano, u Mwana wakwa Lesa, nga mwala Nsekela pesa?” Oh, owe!

⁷⁸ Inshila imo ine cibebelelemo ne leelo, ni Lesa ukuilangisha mu mubili, i Mbila ya nshita, u Lubuuto lwa nshita! Tekuti tubuule imbila sha kunuma kulya, shalipita kale; ninshi tuleikalila mu minyeshi nyeshi ya lubuuto.

⁷⁹ Emulandu uukalamba, bu kabwalala ubwakulisha, ubo icalo cishabala acumfwapo, fyacitike mu England kuno tapalati pakokole na saana, ukubomfya ama laiti yabufi. Ama dolla amamillioni-cine-lubali, bu kabwalala bwa mwi shitima, ifishabalile afyumfwikapo kunuma uku, mwilyashi lya kale. Kwalikole imisha iikalamba, icashala icishibilo mu nkulo yabantu bamisango yabipa mwi sonde.

⁸⁰ Kabili ne cishibilo cabantu babipa mu nkulo, muli lino isonde ilyo twikalamo lyonse, lubuuto lwa bufi muli kano kashita tuleikalilamo, ukulaesha ukutubiika mu masambililo yamo na fimbipo. Libe, twaba inkalata ishalembwa, atemwa, mu mashiwi yambi, twaba inkalata ishili no mweo, ishalembwa nomba shileikala ukulingana ne Cebo cakwa Lesa, nga filya Ena alaile mu kashita; i Cebo icalagishiwa, inkalata ishalembwa, ishalingana bwino. Ifyo efyali abatunwa.

⁸¹ Efyali Yohane Kabatisha. “Aali lishiwi ililebilikisha mu matololo.” Alyeshele ukubeba cilya. Ena kabili aali ni Malaki 3, “Moneni, Nkamitumina inkombe Yandi pa cinso candi, pekanyeni inshila ya bantu.” Aali Cebo ica mweo.

⁸² Kabili ne chalichi cafyalwa cipya-cipya muli ino nshita caba Cebo cakwa Lesa ica mweo. Caba Cebo ca nkulo ino, ica langishiwa. Fwayeni mu Malembo no kusanga ifyo cifwile ukuba muli ino nkulo. Ni Kristu ukuba no mweo na kabili, ukwalula fye imibombebe Yakwe ukufuma muli iyi ukulola ku ibiye.

⁸³ Nomba, Ena alilangishiwe nga Messiya. Balingile ukwishiba ico. Twalishiba ifyo Messiya alingile ukuba. Alingile ukuba Kasesema. Efyo Baibele yasosele ukutila efyo Aali. Efyo no Mwine asosele ukuti efyo Aali. “Ine ne Mwana wa muntu, Nga imwe mutila Ine ne Mwana wa muntu naba nani?” Lyonse

ukulailondolola Umwine nga Kasesema wa nkulo, ukuisokolola Umwine nga Kasesema wakwa Lesa. Ifyo e fintu Ena aali.

⁸⁴ Nomba Ena alicilile na pali kasesema. Aali ni Lesa-Kasesema. Efyali na Davidi, efyali na Mose, efyali na Eliya, efyo na bonse baali, “mulu Ena emwali umwisulo onse uwa bu Lesa umupwilapo.” Aali ni Lesa-Kasesema. Aali ni Lesa, Yehova, aalwike umubili mu Mwana Wakwe Wine, ukuikulila Umwine ihema umwakwikala Umwine. Bonse abashala balifililwe, balikwete ifilubo; nomba tamwaba cilubo mulu Ena. Na Lesa Umwine alisoese, “Uyu e Mwana Wandu umu Nabekelwa ukwikalamo.” Ico cituntulu, tamwaba icilubo mulu Ena. “Mumfweni Imwe!” Aali ni Lesa uwalangishiwa.

⁸⁵ Bamwebele ati, “Iwe Ulaipanga ukuba Lesa, atemwa ukuilinganya na Lesa.” Ena efyo aali. Aali u Mwana Wakwe Umwine. Amen. Ena alikwete. . .Ena aali ekulangishiwa kwakwa Lesa. Lesa aali mulu Kristu, ukuwikishanya isonde ku Mwine.

⁸⁶ Na mulu shino inshiku sha kulekelesha, Alelandila ku bantu ukupitila mu Mwana Wakwe, Yesu Kristu, ukuilenga Umwine ukwishibikwa. Nomba Kristu cinshi? I Cebo. I Cebo canshi, icebo cakwa Mose? Ee, nomba ileelo Ali i Cebo icalangishiwa mulu ino inshita yesu.

⁸⁷ Moneni ifyo Yesu aali. Nomba, Ena alingile ukuba Kasesema, natumone nga cakuti Ena alikwete ifishibilo fya bu Messiya. Natuye mulu Yohane Uwashila, icipandwa 1, pali yasano, atemwa ikumi ama mineti, ilyo tatulapwisha. Yohane Uwashila 1, tulemona uko Aleisa pe sonde. Afyelwe ukupitila mulu na cisungu, filya fine Baibele ya sosele. Aimitwe mwifumo lyakwa na cisungu.

⁸⁸ Nomba apa tekutula uyu na cisungu aali ni ka lesa kanakashi, ena. . .Mutiila, “Nga Maria?” Taali uwalungama. Aali umwanakashi, umwanakashi uwali ngo mwanakashi uuli onse, te ka lesa kanakashi; umwanakashi. Umuntu umu asosele ifi, “Bushe taukwete insoni ukulanda ifya musango uyo?” Awe, mukwai!

⁸⁹ Moneni apa. Nipesa apangiile icilubo? Mulandu nshi, apa alipangile cimo. Ilintu batentemukile ku mutebeto wa Pentecosti, na bantu baile nabo pa bulendo bwa nshiku-shitatu; elyo baishile Mulufya, abafyashi Bakwe, kanshi balibwekele ukuya Mukumufwaya. Kabili baishile Musanga mu Malembo, alalanshanya Nayo capamo naba shimapepo mwi tempele. Nomba lolekesheni ifyo Maria asosele, palya pene pa cinso caba shimapepo, ba kapumya. Nyina atiile, “Bawiso pamo na Ine Twakufwaya saana, ne filamba filelukuta.”

⁹⁰ Nomba i Cebo lyonse cilola apali icilubo. Ena aali i Cebo, umwana Mwaume uwa myaka ikumi-na-ibili. Nga aya mano yafumine kwi?

91 Ibukisheni, palya pene alikene ubunte bwakwa nyina. Atiile Lesa ewali Wishi Wakwe; elyo apa asosa ati, “Ba wiso pamo na Ine, Yosefe, twa Kufwaya saana, nefilamba filelukuta.”

92 Ena atiile, “Bushe tamwishibe ukutila Nfwile ukuba mu mulimo Wakwa Taata?” Mwamona? Mwamona? Nga Aali na Wishi Wakwe, Yosefe, Yosefe aali ni Wishi, alepanga ifibi elyo na fimbipo. Mwamona? Nomba Aali pa mulimo Wakwa Wishi, ukulaolola i Cebo ica ilya nshita. Aali i Cebo. Amen. Mwamona, Maria alipangile icilubo, nomba umwana wakwe takwali icilubo Ena apangile. Aali fye uwapwililika Ena.

93 Ilukeni ci, lintu Ena afyelwe, no kukushiwa, elyo abatishiwa na Yohane, Mupashi wa Mushilo aishile pali Ena, mulya mu matololo, kulya kwine, ubupyungishi Bwakwe bwatendeke, ubundapishi. Kwaliko umuntu uwe shina Simoni, aishile na munyina wakwe, Andrew, mu kulongana.

94 Nomba umfwikisheni saana nomba, nomba line twalapwisha—twalapwisha, elyo moneni ifyo Aali ilya nshita. Elyo nga cakuti “Aliilandile na ba shifwe ukupitila muli ba kasesema, muli shino nshiku alelandila mu Mwana Wakwe,” moneni ifyo Lesa ali ileelo, mwamona nga Aliilangishe inshila imo ine.

95 Bushe Ailangishe shani Umwine? Bushe Alishile no kulanda ati, “Nomba Napita mu masambililo. Nimpoka na Bachelor of Arts, Ph.D., LL., na fimbipo. Ndi uwaipékanya ubupyungishi Bwandi”? Awe, mukwai. Tacitile ico. Aile mu matololo, filya Yohane acitile, elyo aisabwela na Mupashi wa Mushilo.

96 Lolesheni ifyo Ailangishe Umwine lintu Atendeke ukushimikila. Kwaliko umwaume, Andrew, aleumfwa kuli Yohane, aile na Yesu mukufwaya apo Alesangwa, ukuya Nankwe mpaka mu kulongana; aleta na munyina, Simoni. Lilya linefye Simoni afikile mu Cinso ca kwa Yesu, Yesu amwebele, “Ishina lyobe niwe Simoni, elyo uli Mwana wakwa Yona.” Ico Caliisa mulenga ukwishibwa. Palya pene ishina lyakwa Petro lyaliisa alulwa ukufuma muli Simoni ukutwalwa muli Petro, icipilibula “akalibwe akanono,” no kwisaba umukalamba wa chalichi, mukulekelesha.

97 Elyo nomba tulesanga naumbi naiminina palya, uwe shina lya Filipino, ena atiile, “Nomba loleleniko panono, tatulati tukwatepo kasesema papita ne myaka imyanda ine. Kasesema uufwile ukukonkapo, natwishiba ifyo alingile ukuba.”

98 Eico nomba aile aleshinguluka impili, apalepele ama mailoshi ikumi na yane, nga mwali kulya mukukonka bwino bwino intamfu, apo asangile cibusa untu alesambilishanya nankwe Baibele. Aali umuntu uwa pamfuka, umuntu umusuma. Ishina lyakwe aali ni Nathanael. Kanshi ukwabula ukutwishika, ilyo aleya pa mwinshi no kusanga ukuti taali pa ng’anda yakwe,

limbi caali bakashi bakwe ebatiile, “Talipo naya mu mpanga mumi olifi, ele mu kupepa.”

⁹⁹ Eico Filipino, alefwaisha ukwishiba ico amwene cilecitika, icilangililo icisuma ica Malango 18:15, Kasesema naima! Eico alimine, mukukumanya Nathanael, no kulanda ati, “Nathanael, isa, mwamona Untu tusangile.” Tabakwete inshita ya kulalanda pa mwela ifyo uli na fimbipo. Imbila yali ya mu kampampa. Umutima wakwe walebilima. Kuli ifwe calicila, twalikwata ifintu ifingi ifyakucita ukucila *Ici*. Elyo ne cintu icakubalilapo namwishiba, asosele ati, “Iseni, mumone Untu tusangile, Yesu wa ku Nazareti, mwana Yosefe.”

¹⁰⁰ Natwingile mu kulanshanya kwabo ilintu baleenda ku lulamba lwa mumana. Ndeumfwa Filipino alelanda kuli Nathanael, “Walishiba ulya umulondo we sabi umukote kulya lubali, bushe wali mwishiba?”

¹⁰¹ “Oh, ulya—ulya—ulya uwafwilile kuno tapakokwele saana, Yona?”

“Awe, awe. Umwana wakwe, Simon.”

¹⁰² “Ee, ee. Oh, Naibukisha naleshitako ne sabi. Nomba, ninshi palwa ena? Kwena, tasambilila ukweba ati kuti alemba ne shina lyakwe. Alifilwa ukusaina lisiti yandi.” (Baibele catiila ati aali umuntu umututu kabili uusha sambilila, nomba balishibe ukuti aali na Yesu; kansi tulesanga ukuti afililwe no kusaina lisiti.)

¹⁰³ Ena atiile, “Ee,” atiile, “bushe namwishiba? Lintu acisa mu cinsu ca uyu Muntu, ulya Muntu ukwabula ukumwishiba, acilumbula ishina lyakwe ati niwe ‘Simon, mwana Yona.’” Acilanda ati, “Bushe ulya te Mesiya? Bushe ulya te kasesema? Bushe apa te Amalango 18, Amalembo ayalefikilishiwa? Pitulukenimo ubwikashi Bwakwe ubwa kunuma; kashita nshi tuleikalilamo? Tuleikala, abalolela ukwisa kwakwa Mesiya. Bonse ifwe Abahebere efyo baba. Bushe teifyo fine?”

¹⁰⁴ “Ah, nomba ndoleleniko panono,” efyo Nathanael asosele, “Mfwile ukufwailikisha.”

“Kwena, tacampapushe nga nasanga ukuti Takwishibe.”

¹⁰⁵ “Huh-uh-uh, lekeni nchimone. Lekeni nje mukulongana kumo mpo no kumona nga filecitika.”

¹⁰⁶ Cisuma, efyo aishileya mu kulongana umo Yesu aiminine. No kutiila, “Moneni umwina Israeli, uyo umushaba akabi nangu kamo!”

Atiile, “Mwe kasambilisha, Mwanjishibe lilali?”

¹⁰⁷ Atiile, “Lintu Filipino talakwita, ilyo waciba mwisamba lya cimuti, Nacikumona.” Ifyo efyo caali. Ifyo efyo caali.

¹⁰⁸ Finshi fyalecitika? “Yesu Kristu cimo cine mailo, ileelo, kabili no muyayaya.” Mwamona Ailangishe Umwine eka, i Cebo.

109 Uyu kabelenga asoselepo shani? “Mwe kasambilisha, Imwe nimwe Mwana wakwa Lesa. Nimwe Imfumu ya bena Israeli.”

110 Nomba kwaliko bamo abaiminine ifi akatalamukila, aba shacetekele cilya. Bena batiile, “Uyu Muntu Mukalamba wa fiwa.”

111 Yesu atiile, “Namyelela pali ico, ukwita u Mupashi wakwa Lesa ‘ukutila icintu icisha sanguluka,’” pantu icikonsolwelo cali tacilacitika. “Nomba lintu Mupashi wa Mushilo, Ena Mupashi wa Mushilo. . .” *Ena* lishiwi ililelanda pali ena; lintu, te tontonkanyo; Umuntu! “Lintu Ena Mupashi wa Mushilo aisa mu kucita cimo cine, ishiwi fye limo ukulisosa ukupusana na Co takwakabe ubwelelo.” Ibukisheni, Ena aba cimo cine, mailo, ileelo, kabili no muyayaya, i Cebo icalangishiwa calengelwe umubili. Elyo kanshi tule Musanga palya, nomba, balya baali ba Yuda.

112 Kwaba fye imitundu itatu iya bantu. Kuti twakwata ifya kupatukana elyo—elyo ne fyakusankana, ne fili fyonse ifyo mwinga fwaya ukuba, Ine. . . nsha fiposako na mano. Ndi musha wakwa Kristu, uupyungila abantu bonse. Nomba, umfweni, lekeni imyebekeshe. Lolesheni pali ici. Kwaba aba Yuda, abena Fyalo, abena Samaria.

113 Kabili lolesheni i Mbila nsuma, ukulanda pali Petro ne mfungulo. Aiswile pa Bushiku bwa Pentecosti, ku ba Yuda. Filipo alikonkenyepo no kubatisha abena Samaria, no kutamfya ifiwa, Mupashi wa Mushilo ninshi ucili taulaikila pali bena ilya nshita; Petero alishile no bika indupi shakwe pali bena, bapokelela na Mupashi wa Mushilo. Elyo na pa ng’anda yakwa Cornelius, abena Fyalo bali Cipokelele.

114 Nomba, abena Fyalo, ifwe abena Fyalo, ifwe ba Anglo-Saxon, tatwalefwaya na Messiya; twali abasenshi, ne fifulukutu mu numa yesu, twalepepa utulubi. Lelo bonse aba Yuda elyo na bena Samaria balefwaya ukumona Messiya.

115 Kabili Ena esa kuli balya aba Mufwaya. Bikeni ico mu mano ukupitila mu kulongana uku, Ena aka kumanya fye balya aba Mufwaya!

116 Mukulekelesha, Ena akabile. . . aleya ku Yeriko bushiku bumo, elyo akabilwe ukupita mu Samaria, incende iyaba pa muulu ukushinguluka ulupili. Aishilefika ku ncende ilya. . . Nomba, tulemona Ena aleilangisha Umwine nga Messiya, ukulangisha ifishibilo Fyakwe ifya bu Messiya, elyo baisa cipontela. Eico Akabilwe ukupitila ku Samaria, balefwaya Messiya, nabo bene. Eico Aishile ku musumba uwitwa Sychar, ukushinta limbi kuma twelufu koloko.

117 Icishima, caali palya, baleikala fye mumbali ya ciko, kunse ya mpongolo yamu musumba. Palya apo, abekashi ba mu mushi bonse, baleisa mukutapa amenshi; tabaalebomfya fi mashini ukutapa, lelo baalebomfya intambo ba tubika mu menshi. Kabili

balikwete imitondo iikalamba ifi, ne leelo line balacita ifyo. Nga mwalanda pa kusenda bwino, bushe bamo imwe mwe banakashi mulendapo nama buuku pa mitwe? Mulingile ukumona ifyo balya banakashi baleteeka imitondo pa mitwe yabo, elyo uku lubali nako na batuntumba; elyo baleenda, balelanda ne lyashi, elyo baleenda bwino bwino ukwabula ukupona.

118 Lintu baleya munshila, inshita nakalimo yaali kuma ilebeni koloko mu kasuba, baile mukufika kuma cungulo, elintu Ena atumine abasambi mu musumba ukuya shitako utwakulya.

119 Kabili kwaliko umwanakashi mu musumba, uwa kwete ubunte ububi, tabaale musuminisha ukusangwa na banakashi bambi, kanshi aimine ukuya ku cishima mu kutapa amenshi. Kabili ilyo atendekefye ukutubika imbeketi mu cishima, aloleshe, uwaikela pa cibumba, Umwaume uwa landile nankwe, atiile, “We mwanakashi, ntapilako amenshi Inwe.”

120 Nomba, balikwete akapatulula saana, aba Yuda elyo na—na bena Samaria. Elyo aishile lenga Ena ukwishiba, bwangu bwangu, ukuti—ukuti telutambi Umwaume uwaba nga Ena ukwipusha umwanakashi uwa musango nga ena, umwina Samaria, ifya bwafwilisho, pantu aba Yuda na bena Samaria tabakwete imyumfwile isuma umo no munankwe, tabaleumfwana mu nshila iili yonse. Ena atiile, “Nomba awishiba Untu ulelandako, kuti walomba Ine amenshi ya kunwa, kabili kuti Nakupela amenshi icakuti teti ubwelele kuno ku cishima mukutapa na kabili.”

121 Fintu nshi Ena aalecita? Ukukumya umupashi wa mwanakashi. Aali ni kasesema. Elyo no kulanshanya kwali kufwaya ukwishiba nga cakuti balingile ukupepela mu Yerusalemu atemwa mu mpili. Ena atiile, “Shifwe afwaya abo aba mupepa mu Mupashi na mu Cine.”

122 Eico Ena alikonkenyepo mpaka Asanga ubwafya bwakwete ulya mwanakashi. Akonkenyepo fye mpaka Asanga apa belele ubwafya bwakwete ulya mwanakashi. Bonse natwishiba ifyo caali, ni nani walabelenga Baibele, Yohane Uwashila 4. Finshi twacisangapo? Alikwete abalume abengi. Ena atiile, “Kabiye no kuleta umulume obe kuno.”

Uyu mwanakashi atiile, “Nshakwata umulume uuli onse.”

Ena atiile, “Walanda icishinka, pantu walikwata abaume basano.”

123 Lolesheni pa bupusano kuli ulya mukashana naba shimapepo muli shilya nshiku. Ena alandile, “Mukwai, Namona ukuti Niwe kasesema. Nomba tatwakatapo umo papita imyaka imyanda ine. Namona ukuti Nimwe kasesema. Twalishiba lintu Messiya akesa, ifi e fintu Ena akacita.” Bushe ico cacine? “Ena akatulanga ifi fintu. Akatweba ifi.”

Atiile, “Nine Wine, uulelanda na iwe.”

¹²⁴ Palya paikele Umuntu yaweyawe, uwa myaka ya kufyalwa amakumi yatatu; nakalimo alemoneka uwa myaka amakumi yasano, pantu basosele fye ukuti, muli Yohane Uwashila 6, “Uli Mulumendo taulafika ne myaka amakumi yasano, elyo ulelanda ukuti Walimonapo Abraham, nomba twaishiba ukuti Iwe walikwata iciwa.”

Nomba Ena atiile ukuti, “Lintu Abraham talabako, NABA.”

¹²⁵ Kabili, elyo, aali palya Ena, umulumendo, limbi pa nshita ilyo umwefu wakwe walemena imfwi, imilimo Yakwe; umubili Wakwe ninshi naunaka, “tapaali no busuma ubo mwinga Kumbwapo,” aka mukupo akakale na kabili; nomba icaali mukati kaciko ni Shekinah, icaali mukati mulya ni Lesa. Lesa! Caali ni cinshi? Kulya Ailangishe, i Cebo cakwa Lesa, pa kwishiba inkama ya mitima yabo. Mwamona, ico caali Cebo cakwa Lesa. Aali Cebo cakwa Lesa.

¹²⁶ Na nomba line i Cebo cakwa Lesa cila cita fimo fine, pantu Acili cimo cine mailo, ileelo, kabili no muyayaya. Mucisange, bushe mule cisanga mu matontonkanyo yenu nomba? Lolesheni, “cimo cine mailo, ileelo, kabili no muyayaya.”

¹²⁷ Uyu mwanakashi abutukile mu mushi, no kuya sosa ukuti, “Iseni, mumone Umuntu uunjebele fintu Nacita. Bushe te Uyu wine Messiya?”

¹²⁸ Cilya nge caali icishibilo cakwa Messiya, ku ba Yuda na ku . . . kabili na ku—ku bena Samaria; kabili Ena tacindika umuntu, cimo cine mailo, ileelo, kabili no muyayaya; iyo ine eyali empela, ilyo Lesa alekele ukubomba n ba Yuda elyo na bena Samaria. Kabili iyi ine empela ya nkulo ya bena Fyalo, lintu Aisa ukupitila muli balya abafumine na bambipo, ukushinta ku mpela, elyo no kulaya, “Nga filya caali mu nshiku shakwa Abraham, eflyo cikaba na lintu u Mwana wa muntu asokololwa ku bena Fyalo mu nshiku sha kulekelesha.” Akabwela na kabili.

¹²⁹ Fingi ifinga soswa apa, nomba ci ngangufyanye pantu ni—ni naini koloko nomba, nshipikishenikofye panono. Twalafuma pa naini-sate, Shikulu nga asuminisha.

¹³⁰ Ishibeni ici, kasesema atiile, mulya muli Zecharia 14:6, “Kuliko ubushiku bumo ubo tabakete akasuba atemwa ubushiku, nomba cikaba bushiku bwa bulanda; nomba mu nshita ya cungulo, kukaba u Lubuuto.” Nomba moneni, mukwangufyanya. Takuli Ilembo nangu limo ilinga tobwa. Yonse yafwile ya fikilishiwa.

¹³¹ Nomba akasuba katula shani? Katulila kwisa? Ku Kabanga. Nga kawila kwisa? Ku Masamba. Ukutumpuluka kwalyendela pamo na kasuba, eflyo ne Mbila yaenda. Mwalacumfwa ico? Nomba natubwekela kulya ku Lulambai lwa ku Masamba nakabili. Nga twakonkanyapo ukuya pa ntanshi, kuti twabwelela ku Kabanga na kabili, nga mwakonkanyapo ukwabuka Pacific ku Kabanga na kabili; tamwaba nangu cimo

mulya, mwamona. Nomba ukutumpuluka kwendela pamo na kasuba.

¹³² I Mbila nsuma ya lyabuka amenshi. Yatendekela ukufuma—ukufuma ku Mediterraneani, elyo ya abuka, ukufuma kuli Paulo Uwashila ukushinta na ku Geleman; ukufuma ku Geleman, ya abuka umupaka wa Cingeleshi, ukufika na ku England; ukufuma ku England, ya abuka Atlantic, ukushinta na ku United States, elyo nomba yabwela na kabili ku Pacific.

¹³³ Lolesheni, akasuba kamo kene akatulila ku Kabanga ekasuba kamo kene akawila ku Masamba, a-k-a-s-u-b-a. Elyo u Mupashi wa Mushilo umo wine uwawiile pa Bushiku bwa Pentecosti, ku Kabanga. . . Nomba ni nshita ilyo tacileitwa ubushiku, na kotalalila, ubushiku ubwa talalila, ne mfula ileloka; moneni kuno ku Kansas, ileloka, no kotalalila. Tuli no lubuuto ulwingi ulwa—ulwa kuilunda ku chalichi, elyo na pa kucita ifi fintu fyonse, kukwata ulubuuto ulwingi pa kwingilamo, nomba Ena atiile, “Mu nshita ya cungulo, kukaba u Lubuuto, u Mwana akesa nakabili.” Elyo no Mupashi wa Mushilo ulebwela muli shino nshiku shakulekelesha nomwisulo wamaka yakwa Lesa nakabili, i Cebo ukumonekela! Ukupitila muli ba Lutherani. . .

¹³⁴ Nga filya fine—filya fine pyramidi ikula. Ba Lutherani, abakubalilapo abafumine; Wesley; Pentecosti; nomba ukwisa sondwelela. Pantu, lintu Ilibwe lya pe tungi lyabwekela kuli pyramidi, lifwile lyalingana bwino bwino nga yalya yonse amabwe. Tekuti mumone ubupusano nangu bumo, lila linga busaka busaka. Kabili efikaba no bupyungishi mu nshiku sha kulekelesha, bukaba ubwapalana.

¹³⁵ Nga filya ama—amaboko yenu yaba icituntulu, elyo na—na icinshingwa cakupashanyako; ifyo fiba, panuma ya nshita, fisa mukuba cimo. Efyo fisa mukuba. Efintu ne Chalichi cisa mukuba, Nabwinga esa mukuba Kristu, besa mukuba umo, nga filya umuntu onse no mukashi wakwe. Mwamona? Aleisa mu nshiku sha kulekelesha, elyo tuleesha ukwikala mu minyeshinyeshi ya nshita imbi? Ena acili cimo cine mailo, ileelo, kabili no muyayaya, ukuilangisha Umwine bwino bwino na Baheberi 13:8, “Yesu Kristu cimo cine mailo, ileelo, kabili no muyayaya.”

¹³⁶ Nga twaikele mu nkulo yakwa Luther, tulelolesha kunuma muli ilya—muli ilya nkulo, tulemona bwino bwino, muli ilya nkulo ya Sardis, ukuti Luther aali inkombe, filya fine fye, na kabalwe uwaleya, na bambipo baile pamo muli ilya nkulo.

¹³⁷ Tulesanga aba mu nkulo yakwa Wesley, aba mu nkulo ya Philadelphia. Tusanga ukuti ilya nkulo iya kupuputula ukwa maka kulecitika, ukutemwa kwa ba bwananyina, tulesanga Wesley palya pene pa ncende apo Baibele yasosele ukuti epo alingile ukuba.

138 Tulecisanga neleelo palya pene Ena asosele ukuti Aali. Akakene e kashita, inshita tuleikalilamo.

139 Umfweni, balya aba Greeki balifililwe Ukumumona. Mulandu nshi? “Mukwai, tufwile ukumona Yesu.” Balifililwe Ukumumona pantu Aali mwi tempele lya mubili Wakwe, Lesa mu muntu. Umubili wa buntunse ewa pofwishe. Bafililwe ukwiluka. “Iwe, ukuba umuntu fye, Uleipanga ukuba Lesa, atemwa ukulinganya na Lesa.”

140 Nao atiile, “Ukuba, nga kuti mwabetila ukupitila mu malango, elyo takuli Amalembu nangu yamo aya nga tobwa, imwe mubeta ati ‘imilungu,’ eflyo baali, balya abo i Cebo cakwa Lesa caishileko.”

141 Kanshi, Ena e mwisulo onse uwa cilya Cebo, i Cebo icali ca ilya nshita, u Mwana wakwa Lesa, Kalubula; lintu Lesa, Umwine, Aishile pano pe sonde no kwikala mu Muntu, uwaishile suminisha imfwa pa mubili Wakwe, ukulubula bonse, cilya Icimuti mwibala lya Edeni, te mwanakashi iyoo; Umwaume, Adamu wa cibili uwafwile no kubwekela ku mushili, pa kuletapo ifyalefwaikwa, ameni, yalya amabuula ayalokwete kulya kunuma, pakuti yaletwe mu kupuputulwa. Ni finshi fimbi ifinga soswa pali cilya, kuti catusendela ama ora ayengi!

142 Nomba tuli apa pa cishinte. Abena Fyalo ba ilya nshita bafililwe uku Cimona, pantu Caali mumubili wa buntunse. Nde twishika nga cakuti tukacita cimo cine. Nde twishika nga cakuti tukapanga icilubo cimo cine cintu bapangile, ukufilwa ukumumona Ena? Pantu, Eflyo aali, Ena i Cebo ca ilya nkulo, ailangishe mumubili wa buntunse. U Mulumendo uwabula isambililo nangu limo, tatwamonapo apaliponse ukuti Ena alilepo nakusukulu. Tatwakwetepo ne fipepala fya kumwenako nangu fimo Ena aishile tafumine mu cilonganino icili conse ica pali ilya nshita; uwabula ama sambililo. Takwete ubunte ubwapa cili conse, nomba, “U Muntu uwa fulungana, uwalepanga umwangashi, cibusa wa babembu, u Muntu uwalefulunganya isonde; ne fintu afyelwe tafyalondolweke, Nyina bamupeele ifumo ku mushilika, elyo abuula ishina Lyakwe ati u Mwana wakwa Lesa, atemwa uku Ita ati kasesema, uyu umwina Galile, uwitwa ati kasesema.”

143 Nomba i Cebo calishile langishiwa! “Abo bonse aba Mupokelele, kuli bena Apele amaka yakuba abana bakwa Lesa.” Eflyo cili ne leelo, lintu twamona ukwenda mu bukulu bwa Mupashi wa Mushilo ukumonekela. “Kuli bonse aba Mupokelele, kuli bena Apele amaka ya kuba bana baume na banakashi bakwa Lesa.” Yesu Kristu ailangishe cimo cine, ukupitila mu Cebo Cakwe, mu nkulo shonse.

Natukontamike imitwe yesu.

144 Mwe fibusa abena Kristu, Ndefwaya ukumipushako, natwiminine fye no kutontonkanya pa kashita akanono. Bushe

ici Cishinka atemwa cilubo? Nifyo fine? Nga cakuti Cishinka, natukwata umulandu palwa ici. Nikwisa tuleya? Nga ifi filetupesha kwisa? Nga kuti washininkisha shani ukuti uli mu cishinka? Nomba, “mu kutendeka, Ena aali Cebo,” elyo ne Cebo cilalingulula ifili mu mutima. Cacitile ico ukupitila muli ba kasesema, Cali citile ico muli Kristu, kabili Alilaile ico munshiku shakulekelesha, pantu Ena cimo cine mailo, ileelo, no muyayaya.

¹⁴⁵ Shifwe wa Mumyuulu, buleni i Cebo Cenu, Cibikeni mumitima yabantu, pakuti bena... bonse abantu capamo, cino cungulo bushiku, ili ibumba lya bantu abali apa. Twailuka, Shikulu ukuti tule—tuleikalila mu cinshingwa ca Kwisa Kwakwe, kabili ne cinshingwa cilealuka ukuba icituntulu, umwaka uwaisa no waya. Tulemona ifishibilo filecitika, ifya kutinya filemoneka. Tulemona mu nyunshi na muli ba magazini. Umwenshi ulepilibuka ukuba umulopa. Tuleumfwa ulwa finkukuma ukushinguluka isonde, filepuma isonde lyonse.

¹⁴⁶ Kabili, nomba, ubushiku bumo calisunkenye isonde lyonse, lintu u Mwana wakwa Lesa bamukene noku mutanika. Elyo nomba tulesanga ukuti ibumba likalamba, ilitwa Akabungwe kama Chalichi Isonde lyonse, nabamukana Ena mucituntulu, nga filya basosele mu (iyi) Nkulo ya Laodicea, “Ena aali kunse ya chalichi, alekonkonsha pa mwinshi, ukweshwa ukubwekelamo mukati.” Kabili apa tulesanga kwaliko na cimbi icinkukuma icapumine, te caalo cimbi, ici cine icaalo, ukusunkanya isonde lyonse; Yesu ukumukana mu cituntulu. Elyo Aiminina alepapata, cino cungulo bushiku, ukuilangisha umupwilapo, umo wine mailo, ileelo, kabili no muyayaya.

¹⁴⁷ Leken i abacetekela bacimone. Leken abo abalwele bacimone, Shikulu. Leken abo abali muno cino cungulo bushiku bakumye umwingila Wakwe, nga filya bacitile mu nshiku shapita. Undapeni abalwele, elyo no kupususha abaluba, twalombela mwi Shina lyakwa Yesu Kristu. Amen i.

Les a amupale.

¹⁴⁸ Nomba akashita kanono fye aka kupepelela mu mulongo. Natukwata ukufika na pama mineti ikumi na yasano, pakutila tupwishe bwangu. Nomba ifyo Ningasapo fye ni ici, Ine ndi muntu fye, amashiwi yandi kuti yafilwa ngo muntu uuli onse, bonse muno tuli. Ninshininkisha kuli imwe cino cungulo bushiku, ukutila onse kasesema, muli fyonse fintu, balipangile ifilubo fyabo. Nomba Lesa tapanga icilubo. i Cebo Cakwe e Cishinka cine. Ni banga abacetekele ico ukuti Ena aba i Cebo? [Ulukuta lwatiila, “Ameni.”—Kale.] Les a amupale. Apo epo icicetekelo candi cashintilila, tacacila pa Mulopa wakwa Yesu; kabili, cacine, Yesu e Cebo.

¹⁴⁹ Nomba Nincetekela Billy acisosa ukuti... Bushe acipeela utupepala twa kupepelelwapo? Bushe—bushe kuliko utupepala

twakupepelelwapo utupelwe? Nshacishiba. Ena—ena acilanda ati, icakubalilapo, tacitontonkanya ukuti limbi balapela abali bonse. Nomba nga cakuti bapeela utupepala twakupepelela, ninshi twalapepelela mu mulongo.

¹⁵⁰ Abali bonse, bushe kuliko umu untu bapele akapepala ka kupepelelwapo? Natumone uukwete akapepala ka kupepelelwapo aka kubalilapo. Ee, namukwata akakubalilapo? Iyo. Akapepala kakubalilapo, niani akwete? Bushe kuliko abakwete akapepala ka kupepelelwapo aka kubalilapo? Ukuba, limbi tacipeela ukutendekela pa ka nambala wanu. Ni banga . . . ? Huh? [Umo umuntu asosa ati, “Akakubalilapo aka.”—Kale.] Oh, kamoneka? Eya. Cisuma kanshi, akapepala ka kubalilapo, iseni kuno no kwiminina mupepi na ine, akapepala kakupepelelwapo aka kubalilapo.

¹⁵¹ Akakonkapo, ni nani akwete aka bubili? Aka butatu. Nomba pa kashita fye akanono, ifwe . . . Akabutatu, ni ani akwete aka butatu? Moneni, kuliko umuntu pa busanshi bwa balwele, kuliko uwinga mona inambala bakwete, nga cakuti nabakwata. Aka butatu. Akalenga bune, bune, ni nani akwete akapepala aka kupepelelwapo akalenga buune?

¹⁵² Kapepala akanono. Umwana wandi nangu uuli onse mwi bumba kuti aisa no kubuula utu tupepala, kuli imwe, no kutusankanya, elyo baisa mupela. Elyo nomba lintu Ine . . . Kanshi cilelangisha ukuti . . . Twalikwete abantu pa nshita imo abaleesha ukushitisha utu tupepala, emulandu wine tatulesangilwa mu musango ulya wine, nomba tamulingile, tamulingile ukushitisha; pantu ena teti, tamwaishibe abalingile ukwisa kuno. Lintu Ine naisa kuno, Nshitendekela pa nambala iyaishibikwa. Ntendekelafye pa nambala iili yonse. Umulungu onse, mukamona ici, Nkafipilibula, uku no kulya, pamuulu na panshi, mu kubuula utu utupepala twakupepelelwapo, mwamona. Kanshi muli ilya nshila tukacitilamo cilya, pakutila twamona ukutila bonse cila bushiku, abalepeela utupepala, pakuti abantu cila bushiku bakwata ishuko lya kwisa.

¹⁵³ Umo, babili, batatu, bane, basano. Nakulabeta umu umu, pantu Nshilefwaya nga kuli umu limbi ni nkoma matwi ukwisa landa ati, “Cinshi, takwacibeela nangu umu ukunjeba,” mwamona, elyo bapusa ishuko lya kuba mu mulongo. Elyo limbi, ninshi nabakwata na kapepala ka kupepelelwapo, tekuti babapele nakabili, mwamona.

¹⁵⁴ Akapepala kakupepelelwapo aka busano, ni bani bakwete? Umo, babili, batatu, bane, basano. Akapepala ka kupepelelwapo aka busano? Ico cilifye bwino. Nga naushininkisha ukuti naukwata aka busano, iminina apo pene. Ico cili fye bwino. Aka mutanda? [Tapali amashiwi nangu yamo pa tepu—Kale.] Ikumi na umu, akapepala kakupepelelwapo akalenga ikumi na limo. Umo, babili, batatu, bane, basano, mutanda, cine lubali,

cine konse konse, pabula, akapepala kakupepelelwapo akalenga ikumi, na ikumi na limo.

¹⁵⁵ Moneni nomba, limbi kuti kuli umo nkoma matwi. Lolesheni pa tupepala twa bantu mwikele mupepi nabo. Konsefye, Ndetontankanya ukuti nabatusankanya kuno konse. Cisuma. Ni banga mulya, Roy? Bapende no kumona. Ikumi na umo? Ikumi na babili, ikumi na batatu, ikumi na bane, ikumi na basano. Umo, babili, batatu, bane, . . . Ikumi na basano. Cisuma. Natwiminine palya pene pa kashita fye akanono, pantu tatukwete inshita iikalamba.

¹⁵⁶ Nomba ni banga abashikwete utupepala twa kupepelelwapo elyo na bacetekela ukuti Lesa alabaposha, imyeni amaboko yenu. Lesa amupale. Ico cawamishapo, kwateni icicetekelo. Nomba ibukisheni, mwe fibusa, lintu baleipekanya ukwisa mu mulongo wa kupepelelwamo, nomba, mwi—mwi—mwitendeka ukulapitana, pa nshita nakalimo amamineti ikumi atemwa ikumi na yasano, mpaka tuipekanye, pantu, mwamona, imwe muli mupashi.

¹⁵⁷ Ndefwaya ukumipushako cimo. Nacilanda, elyo nacibelenga mu Malembo, ukuti Ena aba cimo cine mailo, ileelo, kabili no muyayaya. Elyo panono fye, mukutendeka nshacita ici, nacimulangisha ukuti Ena alingile ukucita cilya cine cimo cine mu nshiku sha kulekelesha. Nibanga bacetekele ico? Malaki 4 kabili na fyonse filingile ukubwelela kulya kwine na kabili, Ena na kabili ukwisa ika panshi no kuilangisha Umwine ukupitila mu Mbila ya busesemo, ukubwesesho imitima ya bana ku Cicetekelo, ku batumwa, Icicetekelo ca ba shifwe ba Pentecosti. Uyo wine e musango fifwile fya citikilamo. Tekupitila mu masambililo; lelo ukubwelela ku Cicetekelo icaliko. Nomba tucetekele no mutima wesu onse.

¹⁵⁸ Nomba bamo imwe mwe bashikwete utupepala twa kupepelwapo. Nomba, ibukisheni, Ine ndi musha Wakwe naimwe muli basha Bakwe, Lesa muli ine na Lesa muli imwe. Nga namukwata icakukabila, naine ndi pano ukumibombela, cilaleta ifi pamo no kucilenga ukuba Lesa.

¹⁵⁹ Nomba, umukashana, inshita imo. Lekeni mipeleko Ilembo na limbi, Ndesubila ni muli Yohane Uwashila, nao wine. Kwaliko umukashana uyo, aali, ena aalikwete ubulwele bwa kufuma umulopa. Natutiile takwete akapepala kakupepelelwapo, ilyo alefwaya ukuti benga mupepelelako. Nomba kwali abengi abaiminine palya, alifililwe ukwisa mu mulongo wa mapepo. Eico atiile, “Nga kuti Naikatafye ku nsalu Yakwe, Nalaundapwa.” Ni banga abaleibukisha ilyo ilyashi? Mulandu nshi, mucine fye. Finshi acitile? Aishile pulinkanya mwibumba nokwikata kwilaya Lyakwe.

¹⁶⁰ Nomba, umwingila waba Pelishiti ulapeleela, elyo walikwata naumbi umwingila mukati, nao wine, pa mulandu

wa lukungu lwakumolu, na mwishiba, kanshi, ulingile... ukulapeleela. Nomba kuti limbi mwaikata umwingila wa muntu, kabili tekuti acumfwe, mumbali fye ya mwingila. Nga cilya icikulu, icatikama, icafina icimwingila caba Pelishiti, calilepa ukushinta na mu makasa Yakwe, mwamona? Tekuti acumfwe ico, kumubili.

¹⁶¹ Nomba aikete umwingila Wakwe elyo abwelela mwibumba. Natulande ukuti aishile ikala panshi. Limbi kuti aliminiee, elyo nomba aisa ikalako. Finshi fyacitike? Yesu aliminine nokusosa ukuti, “Ninani Wankumya?”

¹⁶² Elyo, namwishiba, Umutumwa Petro, atontonkenye ukuti cilya cali ca musebanya, mpaka abantu... Mulandu nshi, aishile Mukalipila pali cilya. Mu mashiwi yambi, limbi amwebele ati, “Ninshi naiwe, mona, abantu bonse Balekukumya. Balatontonkanya ati, ‘Walipena.’ Wamona? Ninshi pantu, bonse abantu Balekukumya, Kasambilisha.”

¹⁶³ Ena atiile, “Nomba Ningumfwa ifyo Naumfwa ukunaka. Ubulamba,” e maka, “yafuma muli Ine.”

¹⁶⁴ Ulya mukashana abulile amaka ukufumya kuli Ena. Aishile lolesha mwi bumba lyonse elyo Aishibe apo aali, elyo Aishile mweba ubwafya akwete ne fyacitike. Baibele yasosa ukuti, “Ni Shimapepo Mukalamba uwinga kumya amampulu yesu yonse.” Bushe ico cacine? Nomba nga ukwete cilya cine icicetekelo muli ulwa wine Yesu umo wine, calakucitikila icintu cimo cine.

¹⁶⁵ Nomba beni abakatina saana. Pepeni. Mwitwishika. Cetekeleni no mutima wenu onse ukuti Yesu Kristu aba cimo cine mailo, ileelo, kabili no muyayaya, elyo Alapela kuli imwe aya amapaalo.

¹⁶⁶ Nomba Taata, lekeni u Mupashi wa Mushilo Wenu uukalamba usokolole kuli ifwe i Cebo icalangishiwa ku mubili, mu mubili wabo no mubili wandi. Kabili lekeni i Cebo pamo nobulayo bwa Mbila ya cino cungulo bushiku, cishimikilwe, cilondolwelwe na Mupashi wa Mushilo Uwine, pantu Alilaile ukuti Akaba naifwe. Kabili Acili cimo cine mailo, ileelo, kabili no muyayaya. Mwi Shina lyakwa Yesu Kristu, twaibika fwebene kuli Imwe, ne Mbila, ukuti Mwinga shininkisha i Cebo ne fishibilo filekonkamo, nga filya Mwacitile kuli Marko 16. Amen.

¹⁶⁷ Nomba bonse mube na katina saana. Mukwai peba nangu umo uwakwenda. Ikaleni shilili, mwamona. Nomba, ibukisheni, shimo inshita twisa mukupusana. Ni banga muno abafyalwa cipya cipya abena Kristu, imyeni amaboko yenu. Ukuba, ico caumfwika bwino, kanshi namwishiba ico Ine ndelandapo.

¹⁶⁸ Nomba, bushe ici, uyu e namayo? E namayo wakubalilapo mu mulongo. Cisuma. Nomba, uyu mwanakashi na Ine, ukulingana nefyo Njishibe, tatwaishibana, icikope icisuma icakwa Yohane Uwashila, chapitala 4. Yesu akumenye

umwanakashi pa cishima caku Samaria, ica cina bwingi, icintu cimo icaba ngefi, umuku uwa kubalilapo bamonene mu mweo wabo. Elyo nomba ukulinga nefyo Ine njishibe, uyu emuku wakubalilapo tulemonana. Tatwaishibana iwe naine. Ico nga cacine ifyo fine, pakuti abantu bamone ukuti cishinka, imyakofye ukuboko kobe. Eico mwamona, apa e ifwe, umuku wa kubalilapo.

¹⁶⁹ Nomba Ena nga aba cimo cine mailo, ileelo, kabili no muyayaya, nomba ukulanda no mwanakashi, filya Acitile no mwanankashi pa cishima, caali kufwaya ukwishiba ifyo acitapo mu mweo wakwe, nangu icili conse icalubanapo mu mweo wakwe, atemwa icili conse...ifintu ifyo Ine nshaishibapo nangu kamo, no kucisokolola kuli uyu mwanakashi. Ico, Ine nshamumonapo, Ndi fye...emuku wakubalilapo Naisa muli uno musumba. Elyo Ndi fye kuno, mweni kuli ine. Nomba ico kuti calenga Yesu Kristu ukuba cimo cine mailo, ileelo, kabili no muyayaya? Bushe ico kuti calenga i Cebo ukuba kalingulula wa matontonkanyo ya mitima? Mwamona? Mwamona? Kuti Ena camulenga ukuba cimo cine mailo. . .

¹⁷⁰ Amaboko yandi aya, elyo ne Cipingo candi, Nshabala monapo uyu mwanakashi mu mweo wandi. Lesa ekambone wandi. Alifye namayo uwiminine palya. Ine—Ine nshishibepo nangu cimo pali ena ukucila ukweba ati mweni umupwilapo kuno, kuli ena. Ico cacine, kabili uyu umwanakashi naishiba ico.

¹⁷¹ Ine nshamwishiba; nomba Ena alimwishiba. Kabili Ena aaba i Cebo, elyo i Cebo cilasokolola ifyankama fyamutima, cilalanda pafintu, pafilubo, ukumwebapo fimo. Nga alicitapo cimo icalubana, ifishaelelwa pe samba lya Mulopa, Ena kuti amweba palwa ici. Nga cakuti aipanga fye ukuba uwa-cetekela, kuti amweba palwa ici. Nga cakuti alicetekela, Ena kuti amweba palwa ici. Nga paliko icilubene ku mubili, Ena kuti amweba palwa ici. Nga cakuti alibapo cimo pali fimo, Ena kuti amweba palwa ici. Ena kuti acita fyonse ifyo, pantu Ena ni Lesa. Alishiba ifintu fyonse. Ine nshaishiba; nshamwishiba elyo na Ine tanjishiba. Nomba nga Asokolola ico munshila ilya, namwishiba cicili Cebo, Abahebere 4:12, “I Cebo cakwa Lesa cisokolola amatontonkanyo ayasangwa mu mutima, aleshiba imibeke yonse.”

¹⁷² Nomba nga cakuti Lesa a—asokolola ici muno cungulo bushiku, we nkashi, ngefyo iwe na Ine twiminine pano capamo, elintu wingeshiba—wingeshiba ukuti teti cibe nine. Cifwile ukuba ni Ena. Nomba Ndefwaya fye ukulanda na iwe pali mineti umo, pa mulandu wa kulanda mu Cebo ngefi, mulandu nshi, Ine ndeshimikila, mwamona, elyo nomba Nabweluluka. Ine ndelanda fye kuli iwe nga filya Ena acitile ku mwanankashi pa cishima, akonkenyepo ukulanshanya nankwe mpaka Asanga ubwafya akwete. Nomba nga cakuti Lesa anangisha ubwafya ukwete, kwena, walaishiba nga cakuti cishinka atemwa cabufi.

173 Kabili imwe bonse bushe mwala cetekela? Bushe kuliko uuli once uwaishiba uyu mwanakashi? Imyeniko amaboko nga kuliko uwa mwishiba. . . Oh, ee, bengi abantu abamwishiba. Kwena. Cisuma.

174 Nomba Shikulu Yesu asuminishe ici, mwamona. Ico tacingaba fye ukushimikila kwa Cebo, kuti caba Cebo icalengwa ukuba umubili, ukulandilako, ukusokolola. Nomba Baibele tayalanda ukuti ukeminina apa, nefikaba ifyalubana na iwe, na fimbipo pali ifi, elyo neco ubelele apa, atemwa ifyo wacitapo. Tayalanda ifyo. Nomba i Cebo cilekila panshi, icilangisha kashimikila, mwamona, ukutilla i Cebo cakwa Lesa; Nninshi i Mbila ya cishinka, ninshi Lesa alalangisha i Mbila ukuba iya Cishinka. Ulubatisho lwa Mupashi wa Mushilo elyo no mwisulo wa Mbila fifwile ukuba ifya Cishinka kanshi, nga cakuti fyalagishiwa bwino.

175 Icintu cimo, bonse imwe muli ba mwenso, aba mwenso saana. Uli uwakalipa pa mulandu wa cintu cimo. Ico cacine. Uli uwasakamana. Naukwata ici pa nshita ntali. Nomba ni cinshi ici, bwafya ubwaba ku kulu kobe. Bwaba ku kulu kwa kukulyo. Uli no mwenso saana ni cancer. Cilekucusha saana. Ulo ulubali lwa kukulyo lwalikwata ubwafya saana. Mule kucusha mumala, emulekulenga ukulwala. Ico nga cacine, imyako ukuboko. Witina, cetekelafye elyo Ena ala kuposha. Bushe naucetekele ci? [Nkashi asosa ukuti, “Ameni.”—Kale.] Nacilungama, kabiye ukonkanyepo ukutotela Lesa pali ci, no kundapwa. Shikulu akupale. Ndefwaya fye ukuti imbike amaboko yandi pali iwe.

176 Bushe naucetekela Ena ukuba cimo cine mailo, ileelo, kabili no muyayaya?

177 Nomba apa epali icikope na kabili, umusungu, umwanakashi uwa butulukila. Yesu umu Yuda, uyu mwanakashi umwina Samaria; mwamona, Ena abalengele ukwishiba ukuti tapaba ubupusano mu kupusana kwa nkanda. Lesa afwilile ifwe bonse. Ico nacilungama. Ena aaba. . . “Lesa uwaba mu mulopa umo, inko shonse.” Icalo ico ifwe twakushiwemo, ukupilibula ilangi lya nkanda yesu, tafyakwata nangu cimo icakucita pa fyaba mu kati kesu. Ee, ico nacilungama.

178 Nomba iwe uli mwina Kristu. Mukwangufyanya Ine ndeumfwa ubwite, ukuti uli mwina Kristu. Uyo e mupashi obe. Ico kuti caba kwati ni filya Ena asosele, “Moneni umwina Israeli, umushaba akabi nangu kamo.”

179 Nomba, Ndemona walilwala pa nshita ntali. Ifyo basangile ku cipatala filelanga ukuti walikwata iyepwa londa. Ico cacine. Elyo ilya cancer, bushe namucetekela ukuti Ena kuti anjeba apo yaikala? Ukulingana ne fyo filemoneka, ilya cancer ili mu buula bukalamba. Ico nga cacine, imyako ukuboko kobe. Kanshi kuti mwamona ukuti kuliko Cimo iciminine apa icishibe iwe. Bushe naucetekela ukuti Ena kuti akundapa? Nga cakuti

icicetekelo cobe Camutinta kulya, ikata insalu Yakwe no kusokolola ifyo Ena acitile ilya nshita, elyo ukonkanyepo uku Mucetekela elyo walapola kuli ico, nokundapwa. Nga cakutila wa cicetekela, cetekelafye, mu kwangukafye, we nkashi, ukucetekelafye. Witwishika.

¹⁸⁰ Ndeмона ukuti tuli beni, ifwe, iwe na ine? Tatwaishibana. Lesa alitwishiba iwe na ine. Bushe naucetekela Lesa kuti asokolola kuli ine ubwafya bobo? Bushe naucetekela ukuti Ena kuti asokolola kuli ine amafya ayakwete uuli onse mukati muno? Bushe na mucetekela?

¹⁸¹ Nibanga muno abacetekele ici?

¹⁸² Finshi uletontonkanya pali ici? Bushe naucetekela no mutima obe onse? Elintu akalibwe kamu ndusha yobe taka kakucushepo na kabili. Ine—Ine nacicumfwa cileisa, Ine “nshacilabelenga amano ya bantu,” Nacilafwaya fye imwe ukumona tefyo Nacilacita ifyo.

¹⁸³ Cisuma, naucetekela ine ukuba umubomfi Wakwe? [Nkashi atiila, “Nincetekela.”—Kale.] No mutima obe onse? [“No mutima wandi onse.”] Natotela. Iwe uli mwina Kristu. [“Emukwai.”] Ee, ninjishiba, kabili te bumbi-munda; umwina Kristu icine cine, elyo walifyalwa na cipya cipya. Cisuma. Bushe naucetekela ico—ico Ine, ukuba nga munonko, uushaishiba icili conse pali iwe; lelo Shifwe wa mu Myuulu, Uwaishiba iwe naine, kuti asokolola kuli ine ubwafya bobo? [“Nincetekela.”]

¹⁸⁴ Nimona ukuti walicula sana no bu bulwele. Balikubombelapo, no ku ukubombelwa kwali pa mulandu wa bulwele bwepwa londa. Walifumyako ibele limo, ico cacine, elyo ucili ulecucutika nobu bulwele. Bushe naucetekela ukuti walapola kuli ubu bulwele? Pitila uku lubali, cetekela no mutima obe onse. Kabili Lesa akupaale, Shikulu Lesa akundape. Lekeni . . .

¹⁸⁵ Kwateni icicetekelo. Mwitwishika. Cetekelenifye no mutima wenu onse ukuti Ena aba cimo cine mailo, ileelo, kabili no muyayaya.

¹⁸⁶ Nomba naucetekela, we mwanakashi? Tatwaishibana iwe na ine. Ine nshakwishiba. Naiwe tawanjishiba. Tatwaishibana nangu panono. Nomba Shifwe wamu Muulu kuti ansokolwela apabelele ubwafya, nefintu fintu wacitapo, ifintu ifyo tawalingile ukucita, nangu ifyo walingile ukucita nomba tawacitile, ifili fyonse, nangu fibe shani, walacetekela ukuti Ena aba cimo cine mailo, ileelo, kabili no muyayaya. Nawishiba ukuti cifwile fye ukuba ni Ena uwinga cita ico. Bushe ico nacilungama?

¹⁸⁷ Ulacushiwa na—na—na cimumena, nacilya cimumena caaba pa mutwe. Walikwata umwenso. Cacine. Naucetekela ukuti calapwa, ukuti Yesu Kristu alakundapa? Ifyo fine ucetekele, eflyo walapokelela. Kabiye ulecetekela. Ameni. Lesa akupaale. Lintu

uleya mu musebo, cetekela. Tekweshwa, tekweshwa ukutwishika. Ucetekelefywe no mutima obe onse.

Kwata icicetekelo. Witwishika. Cetekelafye no mutima obe onse.

¹⁸⁸ Mumala mumobe mulakushupa. Ubwafya bwa mumala. Bushe ulefwaya ukuya mukulya? Cetekela. Efyo cifwile ukuba.

¹⁸⁹ Ulishani? Iwe na ine tatwaishibana. Ine nshakwishiba, naiwe tawanjishiba. Nomba kuliko Umuntu umo muno, uushimoneka, lelo naifisa pakati kesu, uwishibe ubwafya ukwete. Ndekumona uleesha. . .Ee, bulwele bwa kufimba no kukalipwa kwa mufilundwa fya mubili obe. Naucetekela kuti akuposha kuli co? [Nkashi atiila, “Emkwai.”—Kale.] Kabiye, cetekela ico, elyo ubo bulwele tabwakakulemanike nga cakuti wacetekela fye.

¹⁹⁰ Naukwata ifintu ifingi ifilekucusha. Ubwafya bwaba namayo, pa nshita ntali; elyo, nacimbi icintu—icintu icikalamba ico ulefwaisha kundapwa, ku bulwele bwa kufimba no kukalipwa kwa mu filundwa fya mubili obe, nabo bwine. Naucetekela ukuti Ena alakundapa? Kabiye, cetekela ico. Ifyo fine efyo caba, kwata fye icicetekelo kabili witwishika.

¹⁹¹ Ine ndi mweni kuli iwe. Nshabala kumonapo mu mweo wandi. Kuliko na umbi namayo alekonkanyapo ukumonekela kuli ine. Nga cakuti Lesa asokolola kuli ine ifintu fimo pa mweo obe. . .Ee, ee, bulwele bwa cimumena; bulekwala mu kuya kubombela. Ulya mwanakashi ali mulya mu cipuna alepita mu cintu cimo cine, ubulwele bwa cimumena. Bushe ulecetekela no mutima obe onse? Ulecetekela? Lesa alalenga imwe bonse babili ukundapwa nga mwalacetekela. Bika ukuboko kobe pali ena. Ifyo fine. Mwi Shina lyakwa Shikulu Yesu, mwi Shina lyakwa Shikulu Yesu, undapwa, nkashi.

¹⁹² Mwamona, imwe, Ine tekuti nkumanishe ukulondolola cilya, mwe fibusa, mwilanjipusha ukuti nondolole. Ukutitikishiwa, amaka, umo. . .Nga icakumena cinshi? Ni cimumena. Nga cimumena cinshi? Kusandana kwa tubulungwa twa mweo. Umuntu apangwa shani? Ukusandana kwa tubulungwa twa mweo. Nga tumor cinshi? Mu Baibele, citwa ukuti ni ciwa, kalungulusha; moneni alepunda ukufwaya ubwafwilisho, elyo ico ebwasuko bwacibwela. Mwamona, ifi fibili ifyapalana, elyo filya—filya efya cicita ico. Cisuma.

¹⁹³ Isa, namayo. Tatwaishibana iwe na ine. Walikwata ubwafya bwa kuba no mwenso pa nshita ntali, icakulenga no kuti ukwate ukukalipwa kwa mumala, ubwafya bwa mumala, ifilonda fya mumala, filekuselausha mumala, kabili ubwafya bulefika na kumeno, na fimbipo. Naucetekela ukuti Yesu Kristu alakundapa nomba line? [Nkashi atiila, “Ameni.”—Kale.] Cisuma, kanshi kabiye no kulya icakulya ca cungulo. Cetekela no mutima obe onse, Yesu Kristu alakundapa. Cetekelafye nomba.

194 Tatwaishibana iwe na ine. Bushe Lesa ekala mu mubili wa muntu? Ni mu mutima. Umo emwabela ubwafya bobbe, nimu mutima obe, tepamulandu wakubulisha Lesa. Lelo pa kupekanya icicetekelo cobe, ukundapa bulya ubwafya bwa mutima, elyo walaundapwa. Kabiye, ulecetekela, cetekela no mutima obe onse. Nomba, witwishika. Kabiye, ulecetekela.

195 “Nga cakuti wacetekela, fyonse ifintu kuti fyacitwa.” Ni banga abacetekele no mutima wabo onse? Bushe namucetekela ukuti Lesa ali pano mukumulenga ukundapwa? Bushe muli . . . ? Bushe i Cebo calilengelwe ukuba umubili? Ni cinshi ico? Nomba, nangu Ncetekele shani, ufwile ukucetekela, naiwe wine. Mwamona, ulya mwanakashi alikete ku nsalu Yakwe, alicetekele.

196 Apo pali umwaume umu ekele palya alendolesha. Alikwata ubulwele bwa ubula ukufumina panse. Naucetekela ukuti Lesa alakundapa? Nga wacita ico, kuti wakwata ico ulelombelapo.

197 Uuli onse muno uwacetekele ukuti Lesa alondapa amalwele elyo na batitikishiwa? Bushe namucetekela ukweba ati i Cebo, cino cungulo bushiku, nacishiba ifya nkama ya mitima? Bushe namucetekela ico? Cisuma. Ni nomba nakuba natucelwa ukulingana na fintu twali.

198 Kuti mwacetekela shani ici? Nomba namwishiba ukuti Amalembu yalaletwa pa lwalala, nomba mwisuminisha icifimbo caku mubili cimicushe, mwamona. Ibukisheni, Cebo icalailwe ino nshita. Ni banga abalengumfwa bwino? I Cebo icalailwe. Nshishibe ukuipashanya wamonapo. Nomba, apa ngafweniko, Yesu Kristu alilaile ici, elyo ici cishinka. Mwamona, cilya, cilya cishinka.

199 Nomba Nao asosa ukutila, amashiwi yakulekelesha Asosele lintu Ena talati afume pe sonde, no kunina ukuya ku Muulu, no kusosa ukuti, “Kabiyeni mwi sonde lyonse,” Marko 16, “kashimikileni i Mbila nsuma. Uyo onse uwacetekela elyo no kubatishiwa akapusuka; kabili noyo uushicetekele akasekwa. Ifi fishibilo fikakonka abo abakacetekela?” Bushe mwalibelengapo apo? Cinshi cali ukulashikwa kwa kulekelesha? “Nga batambalika indupi shabo pa balwele, nabo bakapola.” Ni banga abaishiba cilya ukuba icacine?

200 Nomba imwe bonse, papita akashita akanono, mwe bacimya amaboko yenu ukutila mwali cetekela. Bushe tekuti mubike indupi shenu pali umu no mubiye apo muli? Tekuti tukonkanyepo fye; namwishiba Ena ali pano, ninshi teti mubike indupi shenu pali cila umu umu elyo no kupepelela umuntu mwikele nankwe mupepi, nga mwali cetekela. Nomba, Ena atiile! Nomba, awe, teine fye; nimwebo, bonse capamo. Bushe namucetekela ico nomba? Landeni ukuti, “Ameni.” [Ulukuta lwatiila, “Ameni.”—Kale.] Cisuma.

²⁰¹ Nomba, moneni, muleke ukuipepela, pantu umuntu uwabika ukuboko kwakwe pali iwe alekupepelako. Mwamona, bapepeleniko, elyo Naine nalamupepelako bonse imwe. Kabili nga kuti mwacetekelafye, no kusuminishanya, aka kalaba akashita aka wamishapo ako mushabala amumonapo.

²⁰² U Kubapo kwa kwa Yesu Kristu, ukufwile kwa kangabusha i chalichi, pakwishiba ukuti muli shino inshiku shakulekelesha umo amasambilisho elyo ne filonganino ne milimo imo ifi kabili na fyonse nafilenga mu—mu Cebo ukushibantukila, na Yesu uuli i Cebo abikwa kunse ya chalichi, nomba mumoneni Ena alebwelela pakati ka bantu no kuilangisha Umwine ngafilya Alaile, “mu nshiku sha kulekelesha lintu u Mwana wa muntu asokololwa.” Alisokolwelwe mu lubatisho; Alisokolwelwe mu bundapishi Ubwapulamo; apa epo Ali mu milimo Wakwe. Ibukisheni, ecintu ica kulekelesha ico Abrahamu amwene lintu umulilo taulapona no kupingula abena Fyalo, kabili lintu umwana uwalailwe talati amonekele, Isaki. Ici ecintu ica kulekelesha ico i chalichi cabwina Kristu cikamona, mu fishibilo fya fisungusho, mpaka ukwisa kwa kwa Yesu Kristu. Nga Lesa nampela ububile kuli imwe, nctekeleni mwi Shina lyakwa Shikulu, takuli nangu cimo icashalako mu Cipingo ukucitika lelo ukukwata ululembo lwa ciswango; elyo namukwata ne Cikakatiko cakwa Lesa.

²⁰³ Pepeleniko uyu muntu alambalele palya, uwikele mupepi na iwe. Bika amaboko yobe pali ena. Na—Nacilafwaya ukumona abalemana; Nshimwenepo nangu umo. Nomba bulya busanshi, Ine nincetekela, ukutla ena aliba, oh...Cisuma, bikeni amaboko yenu pali umo nomunankwe kabili no kupepa.

²⁰⁴ Mwe batemwikwa Yesu, uwakulisha umusuma u Mwana wakwa Lesa uwa mweo, Uuli pano mu musango wa Mupashi wa Mushilo, aishile alula imibombele Yakwe elyo no kwikila panshi kabili no kusokolola i Cebo Cakwe mulya mwine mu mubili wa buntunse; umwaume, umwanakashi, uwa musango uuli onse, ukulangisha ukuti ena Acili uwa mweo. Ena acili cimo cine mailo, ileelo, no muyayaya.

²⁰⁵ Shikulu Yesu, tuli pano muli uno musumba ukalamba uwa Topeka, tuli pano abalongene na bana Benu. Kabili no kupepa, ukutla filya fine Imwe mwaba aba kuilangisha mwe bene pakati kesu, elyo nomba Mwala shininkisha i Cebo Cenu, ukulashikwa ukwa kulekelesha, ukuleti, “Bakabika amaboko yabo pa balwele, nabo bakapola.” Elyo na bantu, balya bayebelele, abafyalwa cipya cipya no Mupashi, nomba balebika amaboko yabo pali cila umo, ukuilangisha abene kuli umo no munankwe, ukupitila mu kulashikwa Kwenu elyo ne Cebo Cenu.

²⁰⁶ Nomba, Satana, tawakonkanyepo ukwikata aba abalwele. Bantu ba Cebo cakwa Lesa. Fuma muli bena, weamalwele yali mu mibili yabo. Wibalungulusha nakabili. Leka baye

abantungwa, ukufuma ino nshita ya bushiku nokuya kuntashi. Ifwe, nga ababomfi bakwa Lesa, aba ishibikwa ukushininkisha i Cebo, twakutamfwa ukupitila mwi Shina lyakwa Lesa wa mweo, Yesu Kristu i Cebo icalengwa ukuba umubili pa kati kesu, fuma muli aba bantu abalwele, no kubaleka baye, pa mulandu wa Bufumu bwakwa Lesa, kabili na mafunde ayapelwa kuli ifwe ukupitila muli Yesu Kristu u Mwana wakwa Lesa. Ameni.

²⁰⁷ Bonse abo abacetekele kabili no kupokelela ubundapishi Bwenu, ukwabula nangu kamo aka cinshingwa ka kutwishika, muno mukati ka cifimbo ca Bukata bwa Shekinah, ukumona ubulayo bwa Cebo ubo tuli nokwingilamo mukushika uno mulungu, ukumona Bwena ukulangishiwa pano penefye pa kati kesu, na twiminine pamakasa yesu no kutiila, “Nomba napokelela ubundapishi bwandi. Nacetekela ukuti Yesu Kristu nomba ang’undapa. No mutima wandi onse, Nacetekela ico. Nacipokelela, mwi Shina lyakwa Yesu Kristu.” Lesa amupale. Imyeniko amaboko yenu nomba. Elyo cila umo pali imwe, mu nshila yakwe, apele kuli Ena ukutotelo pa bundapishi amupele. Ameni.



KRISTU UWA ISHIBIKWA MU NKULO SHONSE BEM64-0617

(The Identified Christ Of All Ages)

Iyi Mbila na Munyina William Marrion Branham yaletelwe intendekelo mu Cingeleshi pali Citatu icungulo, mu Kapepo Kakalamba pa 17, 1964, pa Municipal Auditorium mu Topeka, Kansas, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2022 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org